

人物門釋

群書集事淵海

三十

群書集事淵海卷之三十一



人物門

釋

佛祖

佛氏之始

釋迦佛中天竺化脇而生釋氏通鑑

周昭王二十六年釋迦牟尼佛賢劫第四佛也是年四月八日示生於中天竺迦毗羅衛國彼國乃三千世界之中故佛生於彼也父淨梵王母摩耶夫人母於是日遊歡喜園手攀無憂樹

枝太子化從右脇而生自行七步分手指天地曰天上天下唯我獨尊空中九龍吐水灌太子身父王字之曰悉達多也

臨兒國生浮屠老子為教

魏書

臨兒國浮屠經云其國王生浮屠浮屠太子也父曰屑頭邪母云莫邪浮屠身服色黃髮青如青絲乳青毛鈴赤如銅始莫邪夢白象而孕及生從母左脇出生而有結墮地能行七步此國在天竺城中天竺又有神人名沙律昔漢哀帝元壽元年博士弟子景盧受大月氏王使伊存口受浮屠經曰復立者其人也浮屠所載臨蒲塞桑門伯聞疏問白疏間比丘晨門皆弟子號也浮屠所載與中國老子經相出入蓋以為老子西出關過西域之天竺教胡浮屠屬弟子別號合有二十九不能詳載故略之如此

佛教

興佛氏之教者

漢明永教入中國後漢

明帝夢見金人大頂有日月光以問群臣或曰西方有神其名曰佛陛下以夢得無是乎於是遣使天竺問其道術而圖其形像焉佛者漢言覺也將以覺悟群生也其教以修善慈心為主不殺生務清靜其精者為沙門沙門漢言息也蓋息意去欲而歸於無為又以為人死精神不滅隨復受形生時善惡皆有報應貴行善修道以鍊精神以至無生而得為佛也佛長丈六尺金色頂中佩日月光變化無方無所不入而大濟群

唐玄宗天寶三載徑山國一法欽禪師初開元十年依鶴林素
禪師出家因有省自此日用妙密超放無拘辦道既久請遊南
方素曰乘流而行遇徑即止師禮辭之至是南至餘杭東北徑
山默省素語乃登岡阜尋駐錫之地西過危峯之北石岩之隈
跌坐石床有老人前致敬曰願捨此居之地為師駐錫之所即
請師南進登山絕頂入五峯之間有大湫指謂師曰吾家若去
此湫當漲留一穴之水幸勿堙之我時來相助言訖乃隱於是
雲霧晦冥風雨驟作連夜不息及逗曉雨霽湫水盡涸漲沙遂
平惟一穴尚存謂之龍井北峯之陽復有草庵可居師遂安禪
於此四方雲衲欽慕高道撥草瞻風營巢聚枝未逾數載庵居
遍於岩谷名走叢林道滿天下今窟基見在諸草不生

傳法

佛氏以教法相傳者

世尊以微妙法門作偈相傳 釋氏通鑑

周穆王五十二年大梵天王至靈山會上以金色娑羅花獻世
尊世尊拈花示衆人天百萬悉皆罔措獨金色頭陀破顏微笑
世尊曰吾有正法眼藏涅槃妙心實相无相微妙法門分付摩
訶迦葉聽吾偈曰法本法无法无法亦法今付无法時法法
何曾法

初祖迦葉尊者周懿王五年以正法付阿難偈曰法法本來
法無法無非法何於一法中有法有不法乃奉世尊僧伽梨
衣於鷄足山入滅盡定以俟彌勒下生
二祖阿難尊者周厲王十一年以正法付高那和修偈曰本

來付有法付了言無法各各須自悟悟了無無法乃入三昧
分身四分與天宮龍宮二國王供養住世凡百三十二年
叱利國三祖商那和修尊者周宣王二十二年以正法付優
波鞠多尊者偈曰非法亦非心無心亦無法說是心法時是
法非心法既付法已即隱於罽賓國南象白山中後於三昧
中見麴多五百徒衆多懈慢乃往彼現龍奮迅三昧以調伏
之乃作十八變化火光三昧自焚其身

西天四祖優波鞠多尊者周平王三十年付法於提多迦偈
曰心自本來心本心非有法有法有本心非心非本法乃踊
身虛空身十八變復于本座跏趺而逝

五祖提多迦尊者周莊王五年於中天竺國以法付彌遮迦
尊者偈曰通達本法心無法無非法悟了同未悟無心得無

法遂示寂

西天六祖彌遮迦尊者周襄王十五年以法付娑須密多尊
者偈曰無心無可得說得不名法若了心非心始解心心法
遂示寂

西天七祖娑須密多尊者周定王十七年以法付佛陀難提
尊者偈曰心同虛空界示等虛空法證得虛空時無是無非
法遂示寂

西天八祖佛陀難提尊者周景王十年以法付伏駄密多尊
者偈曰虛空無內外心法亦如是若了虛空故是達真如理
遂示寂

西天九祖伏駄密多尊者周敬王三十三年以法付脇尊者
偈曰真理本無法因名顯真理受得真真法非真亦非偽遂

示寂

西天十祖脇尊者周定王二十二年以法付富那夜奢偈曰
真體自然真因真說有理領得真真法無行亦無止遂示寂
西天十一祖富那夜奢尊者周安王十四年以法付馬鳴大
士偈曰迷悟如隱顯明暗不相離今付隱顯法非一亦非二
遂示寂

西天十二祖馬鳴大士周顯王四十一年以法付迦毘摩羅
尊者偈曰隱顯即本法明暗元無二今付悟了法非取亦非
棄遂示寂

中印土十三祖迦毘摩羅尊者周赧王四十一年以法付龍
樹大士偈曰非顯非隱法說是真實際悟此隱顯法非愚亦
非智遂現神變之火焚身

西天二十二祖龍樹大士秦始皇三十五年以法付迦那
勒那偈曰心隨明隱顯法方說解脫理於法既無證無嘆亦
憂即示寂

西天二十三祖那提婆尊者漢文帝後元三年以法付羅睺
師子比丘偈曰傳法人為說解脫理於法實無證無終復無
不說知復告以歸寂滅

法一切法一切祖羅睺多尊者漢武帝元鼎四年以法付
西天二十四祖於法實無證不取亦不離法非有無相內外
舍斯多偈曰正示寂

法已祖留闍耆祖僧伽難提尊者漢昭帝元平元年以法付
天竺二十五祖偈曰心地本無生因地從緣起緣種不相妨
不如密多偈曰右手攀樹而化

亦無理遂示空。耶舍多尊者漢成帝永始四年以法付鳩摩天竺二十六祖。心地因緣得發萌於緣不相礙當生生不生般若多羅偈曰：八變化火光三昧自焚。

呼為智遂示空。摩多尊者王莽地皇三年以法付奢夜多偈二十七祖。般若一為對來人說於法既無得何懷決不決即以磨偈曰：心地含蓮開放光入滅。

即於座立舒右。夜多尊者東漢明帝永平十七年以法付婆中舍利如雨。下合無生同於法界性若能如是。解通達事。

西天二十八祖。植木枝奄然而化。

徒曰吾西返之。婆修盤頭尊者東漢安帝元初四年以法付執文字不離。幻同無礙如何不了。悟達法在其中非今亦如慶喜見阿闍。逝。

南印土十四祖。摩拏羅尊者東漢桓帝延熹九年以法付鶴婆尊者偈曰：五萬境轉轉處實能幽隨。流認得性無喜亦無。

無喜遂示寂。

西天十五祖迦。鶴勒那尊者東漢獻帝建安十三年以法付羅多偈曰：本對認得心性時可說不思議了了。無可得得時始遂放八光而後難乃示寂。眾欲分舍利復現空中說偈一室羅筏戒十六。一法攝吾身非有無何分一切塔。

僧迦難提偈曰：師子尊者蜀漢後主延熙十一年以法付婆云何起遂安坐。說知見時知見俱是心。當思即知見知見即于今付摩竭提國十七。俱。

伽耶舍多尊者。婆舍斯多尊者東晉明帝太寧三年以法付花果亦復爾。即聖人說知見當境無非是我今悟真性無道。

西天十八祖伽

多偈曰有種有不如密多東晉孝武帝太元十三年以法付

踊身虛空作十真性心地藏無頭亦無尾應緣而化物方便

西天十九祖鳩

曰性上本無生多羅南宋孝武帝大明元年以法付菩提達

指甲髮面如紅諸種困心復生理果滿菩提圓花開世界起

西天二十祖奎右手放光二十七道踊身虛空化火自焚空

修盤頭偈曰言

理竟即以首伽造磨大師默坐九年學者益衆至是忽謂其

西天二十一祖時至矣汝等盍言所得道副曰如我所見不

摩尊羅偈曰字而為道用師曰汝得吾皮尼總持曰我見

非古土十候不勝國一見更不再見師曰汝得吾肉道言可

四大本空五陰非有而我見處無一可得師曰汝得吾骨

慧可禮三拜依位而立師曰汝得吾髓即顧慧可曰世尊正

法眼藏展轉授吾吾今付汝吾滅後一百餘年衣止不傳法

周沙界潛符密契千萬有餘汝當闡化勿輕未悟一念回機

便同本有聽吾偈曰吾本來茲土傳以救迷情一花開五葉

結果自然成乃往禹門千聖寺十日似五日端坐而逝壽一

百五十歲門人奉全身葬熊耳山定心寺時梁武帝大通元

年也

二祖慧可大師陳文帝天嘉元年以法付僧璨偈曰本來

緣有地因地種花生本來無有種花亦不曾生復云汝且處

深山勿懼世難然吾亦有夙累今要傾之祖遂留鄴都隨宜

行化

隋煬帝大業二年三祖僧璨大師初周武廢教師往來司空山十餘年人無識之者開皇十二年壬子遇沙彌道信禮師曰乞和尚與解脫法門師曰誰縛汝曰無人縛曰何更求解脫乎信大悟久之與授具戒後知其緣熟乃付以法衣而說偈曰花種元因地從地種花生若無人下種花地亦無生師即優游江國歷羅浮諸山復還舊止十月十五日當說法次即於衆會中儼立合掌而逝唐代宗謚鏡智禪師師嘗著信心銘言約義豐妙盡宗極世傳誦之

四祖道信大師唐太宗貞觀十八年以法付弟子弘忍大師偈曰華蓮有生性因地華生生大緣與信合當生生不生遂以學徒委之

五祖弘忍大師唐高宗咸亨三年開化於蘄州黃梅破頭山時六祖乃嶺南盧居士名惠能年三十二來參祖曰來求作佛祖曰嶺南人無佛性曰人有南北所性豈然祖異之曰著槽廠去能入碓方服勞經八箇月師告衆各述一偈語意冥符則衣法皆付神秀上座書偈云身是菩提樹心如明鏡臺時時勤拂拭莫遣惹塵埃師見曰依此修行亦得道果能聞之亦命人於秀偈側書曰菩提本無樹明鏡亦非臺本來無一物何處有塵埃師見之故曰此誰作亦未見性即於是夕潛呼能至告曰諸佛出世為一大事因緣隨機小大而引化之遂有三乘等法然以微妙秘密正法眼藏付于迦葉展轉傳授以至於吾吾今授汝聽吾偈曰有情來下種因地果還生無情既無種無性亦無生能跪受畢又曰衣止汝身勿復傳也且當遠引俟時行化逢懷且止此會即藏能禮辭通夕

南邁師由是三日不上堂衆疑問之師曰吾道行矣又曰衣法誰傳師曰能者傳之衆知盧居士也尋已不在相率追之趕至大庾嶺頭能置衣鉢於石慧明上座先至舉之莫能動即曰我來求法不求其衣六祖乃曰不思善不思惡正當恁麼時還我明上座本來面目明大悟曰密語外還更有意旨否六祖曰我今與汝說者即非密也汝若返照密却在汝邊六祖令向北接人六祖後至曹溪又法惡人尋逐乃晦迹於四會懷集之間四年隱於獵人中常為獵人說法獵人悟者甚衆道安嘆法流東國在道安釋氏通鑑

東晉孝武帝太元九年慧遠法師少為儒生博極群書嘗與弟慧持造安法師席下聞出世間法而悅歎曰儒道九流特糝糠耳遂出家安門徒數千遠居第座常歎曰使道流東國其志遂卒至是以秦亂來遊于晉

羅什廣說諸經流化晉書

鳩摩羅什年二十龜茲王迎之還國廣說諸經四遠學徒莫之能抗有頃羅什母辭龜茲王往天竺留羅什住謂之曰方等深教不可思議傳之東土惟爾之力但於汝無利其可如何什曰必使大化流傳雖苦而無恨母至天竺道成進登第三果西域諸國咸伏羅什神雋每至講說諸王皆長跪坐側令羅什踐而登焉

泗洲僧自西土遊中國釋氏通鑑

唐高宗龍朔三年泗洲大士僧伽初自碎葉國遊于西涼復顯化洛陽

釋波利取尊勝呪釋氏通鑑

唐高宗弘道元年初北印土罽賓國沙門佛陀波利此云護儀鳳元年至五臺清凉山逢一叟問曰爾來何為曰欲禮文殊曰曾持佛頂尊勝咒來否曰未也曰此土衆生犯四棄者多能回取咒以流此土作大利益弟子當示師文殊所在叟忽不見波利乃返本國取咒至於長安有旨命杜行顛及日照三藏番譯譯訖賜利纈絹三十匹至是利又將梵本訪西明寺僧順貞奏共譯出名尊勝陀羅尼乃第三出也與杜令譯者大同小異比諸衆譯此最弘布波利即入五臺後不知終

神妙不測者

神通

釋太子一箭削貫諸鼓 釋氏通鑑

周昭王三十五年佛年十歲與兄弟犄力以手擲象於城外遂

以手接園中有金鼓銀鼓石鼓鐵鼓各七重太子一箭徹過諸鼓

佛乘天馬陵虛而去 釋氏通鑑

周昭王四十四年佛年十九歲出城四門遊觀於東南西見老病死厭離心於城北門見出家人生欣樂心二月八夜乘天馬踰城陵虛而去至檀特山自以寶劍絕其鬚髮淨居天人舉僧伽梨因乃服之入彌樓山阿藍迦處習不用處定者三年方入正覺

耆域能分身五百舍 釋氏通鑑

晉惠帝太安元年沙門耆域知洛將亂辭歸天竺有僧乞一言為誠域令會衆人衆集域昇座曰守口攝身意慎莫犯衆惡修行一切善如是得度世言訖便默於是數百人各請域中食域

皆許往明日五百舍皆有一域始謂獨過及相讐問方知分身降焉既行有遠送者域徐行追者弗及域畫地曰於此別矣其日有從長安來者見域在彼寺又賈客其夕會域于流沙計已九千餘里

異僧能撥天見天宮 釋氏通鑑

東晉孝武帝太元十年正月二十七日道安法師見有異僧出入窻隙安以生處問之僧曰當生兜率即以手虛撥天西北即雲開備見兜率天宮之妙又曰當浴聖僧方果所願具示浴法後安設浴見有數十小兒入寺須臾但聞浴室用水聲久之不見開室而巾濕水減果是聖應也二月八日忽告衆曰吾當去矣無疾跣跌而逝

杯度乘木杯渡水 釋氏通鑑

東晉安帝隆安五年杯度比丘常乘木杯渡水神化莫測時在彭城羅什聞之嘆曰吾與此子戲別三百年矣相見杳然未期逢於來世耳

元暢能掌中流水 釋氏通鑑

南宋孝武帝大明四年西域功德至荆州釋元暢請出念佛三昧等經暢刊正文義辭旨婉切能舒手出香掌中流水莫之測也

寶誌能令鱸成活魚 釋氏通鑑

南宋明帝太始二年寶誌大士往皖山劍水之下髮而徒跣著錦袍面方而瑩徹如鏡手足皆鳥爪初金陵東陽民朱氏之婦聞兒啼鷹巢中梯樹得之舉以為子七歲依鍾山僧儉出家專修禪觀至是顯迹以剪尺拂子拄杖頭負之而行經聚落兒

童謬逐之或微索酒或累日不食皆遇食餽者從而求之食者分啗之而有輕薄心誌即吐水中省成活魚時時題詩初若不
可解後皆有驗

邵碩分身一履之驗 釋氏通鑑

南宋蒼梧王元徽元年沙門邵碩康居國人與誌公最善出入
經行不問夜旦意欲求之則去游孟州以滑稽言事能發人懽
笑因勸以善家家喜之至人家眠地者家必有死能分身於數
處刺史劉孟明挹事之忽著布帽詣明少時明卒先是孟明長
史沈仲玉改鞭杖之格嚴重常稱碩謂玉曰天地嗷嗷從此起
若除鞭格得刺史玉除之及明卒仲玉果行州事是年九月將
亡謂沙門法進曰願靈骸松下然脚須著屐進諾之已而化昇
其尸露之明日徙屍所在俄有自郿縣來者曰昨見碩公著

一履行市中曰為我語進公小曰見欺止為我隻履進驚問沙
彌答曰昇尸時一履墮行不及也

弘明伏虎繩繫山 釋氏通鑑

南齊武帝永明四年會稽釋弘明卒壽八十四明誦法華習禪
禮懺為業每旦水瓶自滿天童其給使虎嘗入室伏其床前
久之乃去又山精來惱明以腰繩繫之鬼謝乃放

寶誌化身非一 釋氏通鑑

南齊武帝永明七年帝怒大士寶誌惑眾收逮建康獄是日人
見大士游行市井而檢校仍在獄中其夕語吏曰門外有兩輿
食金鉢盛飯汝可取之果文惠太子竟陵王送供至建康令呂
文顯以聞帝悔謝迎至禁中俄帝宴後宮誌乃暫出已而猶見
行道于顯陽殿帝驚遣吏至問吏曰誌久出在首中帝益神敬

之後誌假神力於武帝見高帝於地下受錐刀之苦帝自是永廢錐刀誌之神異化人非一

法匱化身三處 釋氏通鑑

南齊武帝永明七年釋法匱出家於枳園寺誦經守素一日還其舊居又至定林復還枳園後三處考之皆見匱來中食實是一時而三處焉是晚奄然而卒尸甘香軟衆咸悟其得果遂聞於帝帝親臨幸為設僧供文惠文二皆來頂禮為營理殮葬覲施雲集仍以其錢起枳園寺塔

慧安焰從身出 釋氏通鑑

南齊明帝建武二年沙門慧安年十八為沙彌止江陵寺當衆僧坐時輒起行水常執空瓶自上及下水用不竭衆訝之及受具靈異益著嘗與沙門惠濟上堂菩薩堂戶未開安自壁出入

無碍濟駭之後附商入湘中路示寂將死謂商曰我死即露尸岸上不須設棺商如其言以尸投岸夜有焰從其身出商大怖及舟至湘中則安已先至欲就語又失所在

惠初無舟度江 釋氏通鑑

齊東昏侯永元二年釋僧惠初南陽劉虬立陟屺寺請以居之惠常欲度江津吏以舟小未及過之惠已在彼岸又至病人家惠嗔者必死喜者必差又能分身赴人之供是年示寂神異甚多

誌公飛錫止鶴 釋氏通鑑

梁武帝天監四年舒州潜山最奇絕而山麓尤勝誌公與白鶴道人皆欲之因稟武帝帝以二人俱具靈通俾各以物識其地得者居之道人云某以鶴止處為記誌公云某以卓錫處為記

已而鶴先飛去至麓將止忽聞空中錫飛聲誌公之錫遂卓於山麓而鶴驚止他所道人不懌然以前言不可食遂各以所識築室焉

誌公整面出十二相釋氏通鑑

梁武帝天監七年詔畫工張僧繇寫寶公像誌整面門出十二面觀音相或慈或威僧繇竟不能寫他日與帝臨江縱望有物沂流而上誌以杖引之而至乃紫旃檀即雕誌像神采如生

達磨折蘆渡江釋氏通鑑

梁武帝普通元年九月二十一日天竺菩提達磨大師至廣州刺史表聞武帝帝遣使詔迎十一月一日至金陵帝問朕即位以來造寺捨經度僧不可勝數有何功德師曰並無功德帝曰何以並無功德師曰此人天小果有漏之因雖有非實帝曰

如何是真功德師曰淨智妙圓體自空寂如是功德不以世求帝問如何是聖諦第一義師曰廓然無聖帝曰對朕者誰師曰不識帝不省玄旨師知機不契十九日遂去梁折蘆渡江二十三日北趨魏境尋至維也初止嵩山少林寺終日面壁而坐

道穆致山神謝過釋氏通鑑

梁武帝大通元年釋道穆初入荊州神山忽風雷震吼蛇虎亂圍穆心泰然一定七日蛇虎方隱山神變形謝過云是田伯王也來請受戒及施法式諸毒潛亡祭祀絕於羶辛祈澤應時雲雨如此靈異非一居山三十餘年道俗欽德

達磨隻復西返釋氏通鑑

梁武帝中大通元年達磨大師於禹門千聖寺端坐而逝葬熊耳山定林寺明年魏使宋雲西域回遇師于惠嶺手携隻履翩

翻獨逝雲問師何往曰西天去且云汝主已厭世及雲歸朝具奏其事莊帝有旨令啓瘞唯空棺隻履存焉舉朝驚歎奉詔取履供養梁武聞師顯化親製碑刻之鍾山其末云嗟乎見之不見逢之不逢今之古之悔之恨之朕雖一介凡夫敢師之於後云至唐代宗謚師曰圓覺大師

聰師伏虎靈瑞非一釋氏通鑑

梁武帝太清三年湘東王以高祖崩捨宮造天宮寺邀法聰禪師居之聰初至襄陽傘蓋山白馬泉谷築室栖禪梁晉安王來部襄雍承風至山騎從無故而退王慙而返夜感惡夢及再往馬退如故王乃潔齋方得進見初至寺側但覩一谷猛火洞然良久望忽變為水經停傾仰水滅堂現以事相詢乃知時入水定也堂內繩床邊有二虎聰按伏其頭閉其目召王令前

方得展禮因告境多虎災聰即入定須臾有十七虎至便與受歸戒勅令勿犯百姓遂乃無害其日將王臨白馬泉見白龜聰曰此雄龍也又臨靈泉有五色鯉聰云此龍也王因表奏下勅為造禪居寺又就所住造靈泉寺至是居宮尋還故里後以大定五年九月無疾而化壽九十二師之靈瑞非一

嵩公見飛空之僧釋氏通鑑

梁元帝承聖二年齊沙門嵩公至白虎山因行道聞鐘聲登一寺於堂久坐忽見五六十僧飛空而下自相供問或言長安成都嶺南薊北動即萬里嵩起欲叅話奄然失地獨坐磐石之上因問上統法師師曰此寺昔圖澄所造賢聖居之或現或隱遷徙無定

真諦以坐具度江釋氏通鑑

陳文帝天嘉四年三歲真諦初欲泛舟西歸值風飄還廣州刺史歐陽頴延之制止寺譯俱舍攝大乘等論諦曾以坐具鋪江水而過如乘大舟而坐具不濕或折荷葉而濟神異甚衆時人多畫而奉祀之

思大禪師踏花而降釋氏通鑑

陳宣帝太建九年南岳思大禪師道風既盛名稱普聞俄有道士生妬害心密告陳主誣師乃北僧受齊國奉斷岳心釘石與妖帝遂遣使追師使至石橋忽見二虎咆哮大蛇當路使驚乃誓曰我見思禪師當如佛想若起惡心任汝所傷蛇虎乃退使見師再拜以事白師使未至之前師見一小蜂來螫其面即為大蜂咬殺銜至師前師入定觀之知是宿冤欲相燒害師謂使曰使者先去貧道續來七日後飛錫而往四門關吏齊奏師

入帝已驚異及師朝見帝遂下迎復問左右人對云常僧帝曰朕見其踏寶花乘空而至其道士罪以欺罔欲盡誅之師懇帝曰此不可其奏勅彼道士以供師役師奏辭還山幾道士誣師者一人暴死一人為犬所齧每年陳主三信參勞供填衆積榮盛莫加而濕履泥不污或現形小大或寂爾歲身是年日說法苦切呵責聞者寒心至二十二日昇靈辯號慟乃開目曰何驚動吾耶癡人出去惠始刃不能傷釋氏通鑑

北魏太武正平元年沙門惠始值魏滅法始隱至是知大法將亨值魏朝元會振錫至宮門吏白太武武曰趣斬之刃下無

傷始已臨殿陞矣武怒抽佩劍自斬之亦不能傷劍微有痕如
鄉時北園養虎于檻武令以始餵之虎皆怖伏不敢瞬左右請
以天師試之虎即虺吼太武大驚延始上殿再拜稱謝許之復
教

法喜能泥像起行 釋氏通鑑

隋煬帝大業十年神僧法喜語默不常然皆法
幸維揚聞其異召之一日遶宮索羊頭帝惡
嚴其喜曰丐于市飲食自若有司以聞帝命
裳覆黃金骨骨皆連鎖遽以白帝詔以香泥
以泥像起行言笑如故遂釋其禁及煬帝於
索羊頭之驗云後喜忽示疾因置身簣上下
半身紅爛乃示寂葬之香山寺後數歲有白
燬炭炙之數日
南歸者見喜無

恙其人發塚視之唯空棺焉計是時喜已壽二百餘歲

靈驗

靈異而顯驗者

高師建塔致神報謝 釋氏通鑑

東漢靈帝建寧四年沙門安世高至廬山有邾亭廟甚靈會三
十餘船奉牲請福神輒降語曰舟有沙門可與請來客請高至
神復降語曰吾昔與子俱出家學道吾好施而多嗔今為廟神
而壽盡旦夕後恐墮地獄吾有縑千段并雜寶物可為立法營
塔使生善處高使出形神現大蟒悲淚如雨高取絹物辭別而
去高至豫章為建大安寺乃江淮寺塔之始也俄而神即命過
報云得生善處後人於山西澤中見死蟒頭尾數里今潯陽縣
有大蛇村是也

陀勒言有寺基果驗釋氏通鑑

晉武帝太始七年西域捷陀勒至洛陽人莫能測偶曰盤鴉山有古寺基可共修立衆人依言發掘果得石基因共修立以勒為寺主去洛百里朝朝至洛赴齋暮乞油一鉢還寺然燈其行如飛

耆域能伏虎治疾釋氏通鑑

晉惠帝元康六年天竺耆域初來交廣並有靈異既達襄陽欲寄載過江舟人見是胡僧輕而不載及船達岸域已前行路見兩虎虎弭耳掉尾域以手摩其頭虎下道而去見者皆敬至是至干洛陽或告人前世事指支法淵從羊中來竺法興從天中來又曰比丘衣服華麗不應素法有太守滕永文經年得病兩脚攣屈不能起行域取淨水以楊柳誦呪拂之者三文即能行

一寺有樹數十株枯死域呪之尋即敷榮有病瘕將死域以布覆應器於病者腹上舉器有若淤泥數升病者遂活

訶羅竭能呪疾出水釋氏通鑑

訶羅竭晉武帝太康九年至洛呪治疫疾十差八九後入婁子山以脚蹶石出水清美惠帝元康八年坐化

曇猷果見寶寺神僧釋氏通鑑

東晉孝武帝太元八年竺曇猷即曇猷聞天台山有精舍得道者居之猷至以石梁高危未敢直度且西礙大石攀登路絕因還止石室彌年禪觀後試造橋乃見梁道平正橫石洞開度橋少許見寶寺神僧果如所說猷乃陳任意僧曰却後十年自當至此何勞早住相送度梁橫石已塞至太元末年終於山室舉體綠色端坐如生今有往者雲迷其道也

佛圖澄呪水復至釋氏通鑑

東晉成帝咸和元年襄國城墜水源在城西五里忽暴竭石勒請佛圖澄致水澄至源上久已龜折澄燒香呪之三日水忽微流小龍隨出有頃水大至隍壑皆滿

法蘭致山神聽法釋氏通鑑

東晉成帝咸和九年沙門于法蘭道振三河後過江居剡山嘗有虎入房虎自馴伏山神常來受法

僧朗知盜竊衣釋氏通鑑

東晉穆帝永和七年三僧朗初關中講法忽告同輩曰寺中衣物似有竊者如言即反果有盜焉由其相語故得無失朗是年移居太山

慧義夢塵尾之驗釋氏通鑑

東晉安帝義熙七年釋曇諦初母夢一僧寄塵尾并鐵書鎮一枚眠覺見兩物具存因而有孕生諦諦年五歲母以塵尾示之諦曰秦主餉也年十歲出家悟自天發後因喚厠若名諦又以塵尾示之若悟其乃弘覺先師也諦善講經書息閑居吳興崑山二十載時望英豪欽風問道

慧義金壁之驗釋氏通鑑

東晉恭帝元熙元年釋慧義備通經義因言嵩高神云江東有劉將軍應受天命吾以三十二壁鎮金以餅為信遂聞宋王王謂義曰非常之瑞非法師自行無以獲也義乃往嵩山行道七日夢老人將義往壁處指云是此石下明日義行果見石壇下得壁三十二枚黃金一餅義還京師宋武加接尤重迄乎踐祚禮遇彌深元嘉二十一年終

道安註經致賓頭盧之夢釋氏通鑑

前秦王苻堅建元十五年勅三館學士內外有疑皆咨問於道安國人語曰學不師安義不禁難然安臂上有一肉釧將可上下而不出腕時人謂之印手菩薩鳩摩羅什之左龜茲亦遙禮焉安常註諸經恐不合理因誓曰若所說合理願見瑞相乃夢胡僧頭白眉長語安云君所註經殊合道理我下入泥洹當助流通可時設我食後十誦律至遠公乃知和上一夢賓頭盧也於是立座飯之處成則

佛圖澄能咒水生青蓮釋氏通鑑

後趙王石勒屯兵葛陂專事殺戮佛圖澄欲化之勒有將軍郭真畧奉命佛圖澄印見之乃為戒崇弟子禮畧隨勒戰

勒曰佛法何靈澄知勒述深理可以相從乃誦燒香以鉢盛水咒之須臾生青蓮花光色耀目勒由此神敬

佛圖澄咒武生晉書

後趙主石勒愛子斌暴病死將殯勒歎曰朕聞抗太子死麻鵲能生之今可得效乎乃令告佛圖澄澄取楊枝沾小灑而咒之就執斌手曰可起矣因此遂蘇有頃平復自是勒誦子多在澄寺中養之

佛圖澄知勒死晉書

後趙主石勒臨終之年天靜無風而塔上有一人獨鳴佛圖澄謂眾曰鈴音云國有大喪不出今年矣既而勒曰不死

羅什燒繩驗疾晉書

後涼呂光時中書監張資病光博營救療有外曰道人羅義云

能差資病光喜給賜甚重羅什知又誑詐告資曰又不能為益徒煩費耳冥運雖隱可以事試也乃以五色絲作繩結之燒為灰末投水中灰若出水還成繩者病不可愈頃又灰聚浮出復為繩又療果無效少日資亡頃之光死

佛圖澄知邃反

晉書

後趙主石季龍太子邃將圖為逆謂內豎曰和合神通儻發吾謀明日來者當先除之佛圖澄月望將入覲季龍謂弟三僧慧曰昨夜天神呼我曰明日若入還勿過人我儻去所過汝當止我澄常入必過邃邃知澄入要候甚苦澄將上臺僧慧引衣澄曰事不得止坐未安便起邃回留不住所謀遂差還寺歎曰太子作亂其形將成欲言難言欲忍難忍乃因事從容箴季龍季龍終不能解俄而事發方悟澄言

佛圖澄祝黑畧

晉書

後趙主石季龍時郭黑畧將兵征長安北山羌墮羌伏中時佛圖澄在堂上坐慘然改容曰郭公今有石乃唱云衆僧祝願澄又曰祝願須臾更曰若東南出者活餘向者則困復更祝願有頃曰脫矣後月餘黑畧還自說墮羌圍中東南走馬乏正遇帳下人推馬與之曰公乘此馬小人乘公馬濟與不濟命也畧得其馬故獲免推檢時正是澄祝願時也

佛圖澄降大雨

晉書

後趙主石季龍時天旱季龍遣其太子詰臨漳西滏口祈雨久而不降乃令佛圖澄自行即有白龍二頭降於祠所其日大雨方數千里

佛圖澄救弟子

晉書

佛圖澄後趙主石季龍時嘗遣弟子向西域市香既行澄告餘弟子曰掌中見買香弟子在某處被劫垂死因燒香祝願遙救護之弟子後還云某月某日某處為賊所劫垂當見殺忽聞香氣賊無故自驚曰救兵已至棄之而走

佛圖澄喫酒救火

晉書

佛圖澄嘗與石季龍升中臺澄忽驚曰變幽州當火災仍取酒喫之久而笑曰救已得矣季龍遣驗幽州云爾日火從四門起西南有黑雲來驟雨滅之雨亦頗有酒氣

沙公呪龍

晉書

由少者西域人也不知何姓少為沙門符堅時入長安虛靜服單不食五穀日能行五百里言未然之事驗若指掌能以祕祝下神龍每旱堅常使之呪龍請雨俄而沛下鉢中天輒大雨堅及群臣親就鉢觀之卒于長安後大旱以時符堅歎曰沙公若在豈憂此乎

跋摩靈異無方

釋氏通鑑

南宋文帝元嘉七年天竺求那跋摩初遊西域出家屬國諸王皆授其歸戒遊闍婆國其王欲出家事之理臣固請不可乃令國中曰若率土奉和尚歸戒即從爾請於是廿六國臣民稽首尊命元嘉初文帝聞名遣使航海往闍婆邀之附舶抵廣州詔聽乘驛詣闕師至始興留暮年於寺壁畫定光布髮等像夜輒有光師常在定累日不出或致雨不沾或履泥不濕或值虎以杖弄而去靈異無方道俗歸敬

僧亮能取子胥廟銅鑄像

釋氏通鑑

南宋文帝元嘉十四年釋僧亮欲造文六金像聞湘州伍子胥

廟多有銅器亮告刺史張劭借健人一百大船十隻劭曰廟既靈驗犯者必死且有蠻人守護詎可得耶亮曰若果福德則與檀越共如其有咎躬自當之劭即給人船三日至廟廟前有兩鑊容百餘斛中有巨蛇長十餘丈出遮行路亮乃執錫咒之蛇即隱俄見一人秉笏出云聞師道業非日營福事重今特相隨喜於是令人輦取廟銅既多十取一而舫已滿及歸遇風水甚利群蠻相報追不及矣還都鑄像既成唯燄光未備文帝為造金薄圓光安置彭城寺至太始中明帝移像湘宮寺焉

道問念觀音得濟難 釋氏通鑑

南宋文帝元嘉十六年釋道問入山穴採鍾乳炬滅罔懼矣乃念觀音有頃見一光如螢引之而出膏方乘冰渡河中道冰破乃念觀音忽有一物承脚乃得到岸

法喜竭誠果獲八功德水 釋氏通鑑

南宋文帝元嘉十七年鍾山沙門法喜以所居無白水竭誠禮懺求西天阿耨池八功德水經七日掘地果獲之

惠紹燒身處生桐 釋氏通鑑

南宋文帝元嘉二十八年釋惠紹自積薪誦藥王品燒身而滅臨終曰吾燒身處當生梧桐後三日果生焉

僧瑜焚身處生桐 釋氏通鑑

南宋孝武帝孝建二年釋僧瑜常謂結累三塗情形故也情既盡矣形亦宜捐是年六月於廬山集薪為龕發火已入中端坐誦藥王品火燄交至猶合掌不散道俗咸見紫氣騰空後十四日其房生雙桐聳成奇樹

跋隨求雨有驗 釋氏通鑑

南宋孝武帝大明七年天下大旱帝請求那跋隨祈雨隨即焚香祈請不復飲食默誦經呪明日晡時風震雲合連日降雨勅見慰勞賜施相續

道德因誦經得子釋氏通鑑

南宋營陽王景平元年孫道德常奉道而年過五十未有子息有僧謂曰必願有兒當志心誦觀音經德遂不事道而專歸誠觀音忽有夢應婦即有孕遂產男焉

曇超呪龍降雨釋氏通鑑

齊武帝永明十年釋曇超禪道弘化因止錢唐靈死山一定累日忽見一人來禮曰弟子居在七里以富陽縣人鑿麓山下侵壞龍室群龍共忿誓三百日不雨今已百日田池枯涸欲屈道德前行必能感致潤澤蒼生功有歸也超許之神乃去超南行

五日至赤亭山為龍呪願至夜群龍化作人來禮拜超更說法因乞三歸自稱是龍超請其降雨乃相看無言其夜與超夢云本因忿立誓師既導之以善不敢違命明日晡當降雨至期沾足歲以獲收是年師卒

稠師能濟物前去釋氏通鑑

北齊廢帝乾明元年稠禪師無疾端坐而逝壽八十一初遣襄樂王宣慰施物五百段送千僧供以崇追福仍詔起塔立碑初師所住禪窟前有深淵嘗見被毛之人偉而胡貌直釜然火水將沸涌俄有大蟒從水中出欲入釜內稠以足撥之蟒遂入水毛人亦隱其夜見一男子拜云弟子有兒歲歲為惡神所斃兒子等惜命不敢當弟子衰老將死故自供食蒙師力故得免斯難又齊帝每年元日常問師一歲吉凶至天保十年師云今年

不好帝不悅復問師何如答云貧道亦不久至冬帝崩是夏師亦滅云

佛髮屈則為螺釋氏通鑑

梁武帝普通六年西域使還獲佛爪髮髮青紺色以物伸之隨物長短放之則旋屈為螺

植相垂蛇化釣者釋氏通鑑

梁武帝大同三年釋植相習苦行一食常坐正心佛理時有法愛街道術現神來怖於相相不動而愛求懺悔又寄宿道館道徒不送而群虎奔吼道士乃從受菩薩戒又見人垂釣勸止不從即唾水中大蛇忽出釣者即投相出家

僧林戒大蟒不興災釋氏通鑑

梁武帝大同六年釋僧林德能動物灌州豆國山出此大蟒來

林為投三歸因不興災化迹非一

劉薩何應蓋又禮塔南史

梁武帝時有西河離石縣胡人劉薩何遇疾暴亡而心猶暖其家未敢便殯經七日更蘇說云有兩吏見錄向西北行不測遠近至十八地獄隨報重輕受諸楚毒觀世音語云汝緣未盡若得活可作沙門洛下齊城丹陽會稽並有阿育王塔可往禮拜若壽終則不墮地獄語竟如墜高巖忽然醒寤因此出家名慧達遊行禮塔次至丹陽未知塔處及登越城四望見長干里有異氣因就禮拜果是先阿育王塔所屢放光明由是定知必有舍利乃集眾就掘入一丈得三石碑並長六尺中一碑有鐵函函中有銀函函中又有金函盛三舍利及髮爪各一枚髮長數尺

傅大士有靈異之迹釋氏通鑑

陳宣帝太建元年四月傅大士告其子晉建普成二法師等曰我從第四天來為度衆生汝等慎護三業精勤六度行悔懺法免墮三塗至二十四日入涅槃壽七十三至七日有法猛上人將織彌勒像并鍾安大士床上猛泣禮忽不見初大士在日常以經目繁多人或不能遍閱乃就山中建大層龕一柱八面實以諸經運行不碍謂之輪藏仍有願言登吾藏門者生生世世不失人身從勸世人有發於菩提心者能推輪藏是人即與持誦諸經功德無異今天下所建輪藏皆設大士像實始於此山有古松大士曾於松間願度衆生以斧為誓至今松木斧痕猶在其飼虎之餘飯棄擲林間化為石青白錯雜可作數珠謂之飯石土人長存靈異之迹豈容思議耶

僧安致雉生人道釋氏通鑑

陳宣帝太建五年釋僧安住王屋山講涅槃有雌雉伏聽三卷未了遂絕不至安曰雉生人道矣是年安至越州至一家喚雌雉一女走出如舊相識禮拜歡喜父母異之引安設食其父言見此女生時髮如雉毛因以為名安大笑為述本緣女聞涕泣苦求出家二親從之為講涅槃聞便領解至後三卷茫然不了時年十四便就講說遠近歎服

慧布示寂地動之驗釋氏通鑑

陳後主禎明元年法師慧布初從攝山僧詮法師妙智論旨時語詮公四方曰四句朗領語辯文章勇得意布嘗謁思禪師思曰萬里空天無此智者至德中建攝山栖霞寺名聞光遠請謁如市陳主詣王並受其戒奉之如佛是年十一月二十三日示

寂地動七日太史奏云得道人星滅矣人見菩薩迎之

曇延涅槃疏光明之驗釋氏通鑑

隋文帝開皇四年河東曇延法師初造涅槃疏恐不合聖心乃陳於舍利塔前啓以若合聖理願垂神應言訖其經即放光明舍利塔亦放光明三日騰耀

法進能分身赴食釋氏通鑑

隋文帝開皇六年釋法進有德業為蜀王秀及妃姬受戒能分身赴數十家之食異迹非一

普安能制賊及化人不殺釋氏通鑑

隋煬帝大業五年十一月普安法師示寂師多異迹有賊索隨欲射師而手張不息舌禁經宿衆令懺悔方解又張暉盜油甌而若有所縛不誅動轉衆為懺謝方脫又程暉和言法身死而

宿將驗而喚之數聲即能起坐更壽

屠一百而見安來迎便解言說又龕

宰安贖之不得而合社失明安耶自

聞見一時同放猪既脫而繞安伏拜

鷄猪絕嗣其感發慈善皆此類也

僧朗治鬼救尾釋氏通鑑

隋煬帝大業七年釋僧朗陳末隋初

常養一猴一犬出必隨行或作龜藏

坐舟猴狗馴側舟自沂流而上有尼

婢其尼走至朗前立不移處百日已

大業末終

道信致神兵退賊釋氏通鑑

隋煬帝大業十三年四祖道信大師抵吉州值群盜圍城祖教合城人念摩訶般若波羅密時賊眾望城中有神兵乃俱引去

法進流汗妃病即安釋氏通鑑

隋煬帝大業十四年釋法進初在益州修水觀家人見繩床有清水以二石投之是晚進覺背痛家人云曾投石於水進令明日除之及旦進入禪家人還見清水乃除其石所苦即愈自是習定不出此山八十年開皇中蜀王秀臨益州妃患心腹諸治不損使人兩度入山請師師堅不往王大怒自入山將手加罪既見進不覺戰汗王乃殷勤請行進令王先行兩日進一旦便至徑入妃堂見進流汗自此即安進以辭還山王與妃見進足離地四五寸是年正月示寂

釋法嚮喚虎說法釋氏通鑑

唐太宗貞觀四年釋法嚮止江北海陵寺能預知災福嘗有虎搏人嚮喚住令放虎即放之為諸虎說法皆相隨而遠去嚮是冬示寂

釋洪滿念經感佛療足釋氏通鑑

唐太宗貞觀十三年釋洪滿初在俗患雙足攣蹇常念觀音經三年忽有僧來問從何來僧曰檀越堂喚所以來滿因問弟子往何罪令受此攣蹇僧曰汝前身拘連物命餘殃致爾汝閉目吾為療之滿乃瞑目但覺兩膝上如括六七寸丁去開目將欲謝之失僧所在起行如故乃悟是觀立目也自是誓不娶妻精修禪觀或經七日自隋文帝開皇初為僧是年卒壽八十三

釋慧滿喫水救火釋氏通鑑

唐太宗貞觀十五年律師慧滿專弘律訓不徇時情僧尼有過

集事卷三十一
屢行顯擯常有隣火延燒將及講室岩索水巽之即滅是年四月遷逝焚之唯舌不灰

釋豐干巽水療疾釋氏通鑑

唐太宗貞觀十七年時豐干禪師寒山拾得相次垂迹於國清寺豐干先泊於大藏西北隅庵居因泚松徑見一子可年十歲問之無家無姓師引歸寺庫收養號阿拾得後有一貧士從寒山而來遂號為寒山子三人相得歡世豐干出雲游適立間胤出守台州欲之官俄病頭風召名醫吳彥豐干偶至其家自謂善療此疾聞立聞而見之師持淨水巽之須臾祛珍因是大加敬焉問所從來曰天台國清曰彼有賢達否曰寒山文殊拾得并須當就見之聞立至任三日後到寺訪豐干遺迹謁二大士寺僧引至厨間立拜之二士起立曰豐干饒舌彌陀不識禮

我何為遽返寒岩次日聞立送衣藥供養寒山見使至唱曰賊賊退入岩穴云報汝諸人各各努力與拾得入穴而其穴自合寒拾有詩散題山林間寺僧乃集之成集見傳于世

釋法冲弘法諭虎釋氏通鑑

唐高宗顯慶五年釋法冲貞觀初年勅有私度者處以極刑冲誓亡身便即剃落時嶧陽山多有逃僧避難冲乃分僧兩處各置米倉十斛一所徒眾四十餘人總字大乘并修禪業經年食米如本不減一所五十六人繞經兩日食米便盡由不修禪兼作外學冲曰不足怪也能行道者白毫之惠耳時逃難轉多無處投止山有虎穴冲詣告曰今窮客相投可見容否虎乃相携而去及難解冲乃隨處弘法冲雖廣宣經術專以楞伽命家中書杜正倫每諮稟之時三歲元奘不許講舊所番經冲曰君依

舊經出家若不許弘舊經者君可還俗更依新蕃經出家方許君此意其聞遂止斯亦命代弘經護法強禦之士不可及也僕射于志寧曰此法師乃法界頭陀僧也不可名實拘之冲後旋東夏云

僧萬回預知玄宗有位 釋氏通鑑

武后長安二年萬回公所至顯化玄宗在蕃嘗私謁回回撫其背曰五十年太平天子可自愛睿宗為相王每將出回必告市人曰天子來以負而相王至其神異類如此

釋摩利舍利八十粒 釋氏通鑑

唐中宗景龍三年二月帝賜慧安國師摩訶師辭歸嵩嶽三月師誠其徒曰吾歿後將尸置寒林中恣野火焚之至八日合戶偃身而寂壽一百二十八其徒奉人鼻尸林中果野火至閣維

之得舍利八十粒五粒最巨而紅光 帝目詔入留禁中

僧伽歸寂神采如生 釋氏通鑑

唐睿宗景雲元年泗洲大士三月示 以神采如生勅就薦福寺 塑身建塔忽穢氣滿城帝視之許送 以誰即異香郁然傾都歎 異遂奉全身歸泗洲普光王寺建塔 帝嘗問萬回曰僧伽何如 人回曰觀音大士化身耳大士壽八十三初三十年在於本國五十三年在於此方前後化緣二十七處神迹非一具見行狀

難隨寂化舌根不壞 釋氏通鑑

唐睿宗景雲元年十月實叉難陀示寂闍維舌根不壞詔送歸于闐建塔

梵僧圖像開眸降雨 釋氏通鑑

唐玄宗開元八年天竺三藏跋日羅 音提 此云金 至京有旨迎

入大慈恩寺廣弘秘教建曼荼羅依法作成咸感靈瑞一行禪師每諮稟之五月值旱詔智禱雨智結壇圖七俱胝像約以像開眸即雨至三日像果開眸有物自壇布雲彌空斯須而雨帝降詔褒美

僧無畏禱雨祈晴釋氏通鑑

唐玄宗開元十年七月旱帝遣使詔三藏無畏請雨畏持鉢鉢水以小刀攪之誦呪數番即有物如蚪龍從鉢矯首水面畏呪遣之白氣自鉢騰涌語詔使曰速歸雨即至矣詔使馳出頃刻風雷震電詔使趨入奏御衣巾已透濕霖雨彌日而息又嘗霖霖逾時詔畏止之畏捏泥媪五軀向之作梵語若在罵者即刻而霽其神驗類如此帝敬之若神

五臺僧獻代宗以秘語釋氏通鑑

唐代宗廣德元年十一月吐蕃陷京師帝奔次郭子儀兵至賊吐蕃復京師帝在華陰五臺文殊菩薩見帝約以秘語十二月帝歸京詔修五臺文殊殿鑄銅為瓦塗以黃金費億萬計

忠禪師敲床虎吼釋氏通鑑

唐代宗大曆四年牛頭惠忠禪師示寂師平土一衲不易器用唯一鐺嘗有供僧穀二廩盜者窺伺虎為守一縣令張遜入山頂謁問師有何徒弟曰有三五人師敲床三三有三虎哮吼而出遜驚怖而退及移居莊嚴寺將建法堂築屋有二神人定其四角潛資夜役不日而成由是學徒雲集至一疋將終石室前掛鐺樹掛衣藤無故枯死師集眾布薩訖淨髮浴身怡然坐化

僧隱峰倒植而化釋氏通鑑

唐文宗太和元年五臺鄧隱峰以神異頗顯一忪成惑眾乃入臺

山金剛窟前將示寂問於衆曰諸方遷化坐去卧去吾皆見之
還有立化者否衆曰有之師曰還有倒死者否衆曰未嘗有也
師乃倒植而化亭亭然其衣順體衆為昇尸亦毗屹然不動遠
近瞻禮歎異師有妹為尼乃出云老兄平昔不循法律死更榮
惑於人以手推之而踣於是闍維收舍利塔了五臺

僧天然重足而化釋氏通鑑

唐文宗太和三年丹霞天然禪師將終命具浴浴畢乃頂笠策
杖受履垂一足未及地而化壽八十三師本生偶應舉遇禪
者問何往曰選官去禪者曰選官何如選佛曰選佛當何所詣
禪者曰江西馬祖出世即選佛之場也師遂見馬祖以手托幞
頭額祖曰南嶽石頭是汝之師師抵南嶽石頭曰着槽廠去乃
禮謝入行者堂執務後因普請剗草次師獨小頭跪於石頭之

前頭忻然與之落髮尋為說戒即掩耳而去以返江西再見馬
祖未參禮便入僧堂騎聖僧頭而坐衆驚異以曰祖祖入堂見之
曰我子天然師即下地拜曰謝師賜與法名入之遍應諸方後
元和三年於天津橋橫卧留守鄭公出呵之不起更問其故師
曰無事僧鄭奇之日給米麵洛下翕然敬向五年卜居鄧州
丹霞致數百衆師嘗著玩珠吟二篇今傳于山謚智通禪師

澄國師歸寂北印取牙

釋氏通鑑

唐文宗開成三年三月僧統清涼國師澄觀小寂師生應九朝
為七帝門師春秋一百二僧臘八十有三身長九尺四寸垂手
過膝目夜發光晝視不瞬才供一筆聲韻如理文宗以祖聖崇
仰特輟朝三日重臣縞素奉全身塔于終南山未幾有梵僧到
關表稱於葱嶺見二使者凌虛而過問之答曰北印土文殊堂

神也東取華嚴菩薩大牙歸國供養有旨啓谷果失一牙唯三十九存焉遂闍維舍利光明瑩潤舌如紅蓮已賜號清涼國師塔曰妙覺相國裴休奉勅撰碑勅寫國師真奉安大興唐寺

圭峰師跌坐示寂 釋氏通鑑

唐文宗開成五年正月六日終南山圭峯宗密禪師跌坐示寂茶毗得舍利明白潤大壽六十二持服四衆衣泣喧野宣宗追謚定慧禪師初於圓覺經有所悟為遂州道一禪師法嗣尋至上都見華嚴疏主澄觀大師執弟子之禮觀口毗盧華嚴能隨我游者其汝乎北遊清涼山迴住鄆縣草堂寺未幾復入寺南圭峰蘭若大和中徵入內賜紫衣帝累問法文朝士歸慕惟相國裴休深入堂奧受教為外護師著禪源詮卷一百卷都序兩卷又著圓覺華嚴涅槃金剛唯識起信法界既等經疏鈔裴相

國為撰傳法碑畧曰師皇皇於憲恢汲汲於開誘故親師之法者貪則施暴則斂昏則開憤則奮慳慳而來忻忻而去所在不可勝紀吾不識其境界之廣狹者又烏知大道之所趣哉

晟禪師舍利千餘釋氏通鑑

唐武宗會昌元年十月雲岩晟禪師示疾二十六日喚主事僧令備齋來日有上座發去至二十七夜師乃歸寂茶毗得舍利千餘粒謚無住大師塔曰淨勝但法上首洞山价禪師也

慧寂住為山禪床地陷釋氏通鑑

唐僖宗乾符六年仰山慧寂禪師初參為山悟旨執侍十五載凡有言句皆為後世宗範及領魚住王莽山一日禪床陷入地中地神告以此山不任和尚居東南有大仰山乃人間福地遂遷止仰山

智廣師柱蛇口跌坐釋氏通鑑

唐昭宗乾寧二年九座正覺大吐智廣自成通六年至九座山忽逢巨蟒欲來吞師師錫自飛釋氏通鑑柱其口師入其口跌坐入定神來謝罪師不顧之逮師出定蟒化為石矣繼而雷雨湧沙夷成院山神移山八維蔭映乾符三年示滅是年謚正覺號云

璋禪師契慙公之一語釋氏通鑑

唐哀帝天祐三年幼璋禪師初入嘗見慙慙和尚曰汝後四十年有巾子下菩薩王於江南于時我法乃昌至是師之道行既著錢王尚又遣使童建齋衣服香藥入山致請至府署志德大師館于功臣院日夕問道建福肥寺於城中延之禪者雲集乃契慙慙之語

石塔放光釋氏通鑑

後晉高祖天福六年閻王於西阜建石塔七層功未半而光發如蓋者三夕既成而光耀照天者又三夕王慰幸遂額曰淨光而於其下建僧宇焉

顯驗

作為有明驗於世者

世尊度人證果

釋氏通鑑

周穆王四年世尊自思曰今此苦行非正解脫即沐浴於尼連河受乳糜於牧牛女尋詣畢鉢衣下降伏天魔以二月七夕入正三昧八日明星出時示豁然大悟成等正覺昇金剛座梵天請轉法輪即入鹿苑說法度憍陳如等五人證果

室利防等致神碎獄釋氏通鑑

秦始皇三十年沙門室利防等一十八人來自西域帝惡之以

付獄俄有金剛神碎獄門而出。帝懼即厚禮遣之出境。

滕蘭焚經服道士 釋氏通鑑

東漢明帝永明十四年五岳道士費叔才褚善信等七百餘人咸生忌心詣闕斥言佛法虛偽。滕蘭乃言佛法水火不能壞請與道士驗之。帝從其請。叔才等盡出其經訣與佛經。築壇以火驗之。正月十五日火作而道經俱燼。唯佛之經像儼然。善信等自愧而死。由是道士一衆稽首欽服。蘭法師於大眾中即唱偈言：狐非師子，類燈非日月，明心無江海，納立無山岳。崇法雲垂世界，善種得開，萌顯通希有。以處處化群生，帝至是彌加崇敬佛法自此興焉。

舍利放光建塔 釋氏通鑑

吳大帝孫權赤烏四年康居三王康僧會至金陵設像行道國

人初見沙門驚異之。有司以聞，權詔至問之。會廣陳如來之化，因曰：如來化已千年，然靈骨舍利神應無方。昔有王奉為八萬四千塔，此遺化也。權曰：舍利可得當為塔之苜，其無驗國有常刑。會請期七日，謂其屬曰：大法廢興在此一舉，當加意懇求。至期無驗，乃展二七，又無應。權曰：趣烹之會，更展期。又七日，眾懼矣。至五鼓，聞鎗然有聲，起視瓶中五色錯發，黎明進之。王臣大悅，歎曰：希世之瑞也。會又言：舍利威神無能壞者，吳主使力士槌之，砧碎而光明自若。於是建塔佛陀里，又為寺額曰：建初江南寺塔自此而始。

滕並齋僧有顯應 釋氏通鑑

東晉成帝咸康三年時南隍滕並家門信教，每設僧會。一日飯翻于地，罔然無計。一僧曰：貧道鉢飯充足，一眾齋畢，擲鉢空中。

而去即刻木事之每報其家災福云

佛調既逝復見山上釋氏通鑑

東晉穆帝永和五年竺佛調父師圖澄住常山寺積年或分身他處者或入山經歲齋乾飯數斗歸常有餘有隨山行值雪調入虎窟中宿虎還共卧後自克己日遠近皆至調曰人身無常能專心真淨形數雖乖而必同契端坐而逝後弟子入山見調在岩上衆禮曰和尚尚在耶調曰吾常在耳乃不見衆共開棺唯衣履存焉

僧光致山神推奉釋氏通鑑

東晉穆帝升平四年帛僧光自永和初止剡之石城山山神作蛇虎形以怖光光安禪而不恐神自言移往章安推室以奉後道俗宗事漸成寺舍光靈一室七日壽起處山王三載壽

一百一十歲晉太元未安坐而逝

曇猷致蛇虎睡經釋氏通鑑

東晉海西公太和二年竺曇猷初止剡之石城山又移始豐赤城山石室禪有群虎蹲於前猷因誦經一虎獨睡猷以如意扣其頭云何不聽經經畢而虎皆去尋有大蛇十圍競來環遠舉頭向猷半日復去一日神見形曰弟子夏帝之子居山二千餘年今往寒石山輒推室以相奉鳴鞞吹角陵雲而去禪學者皆造焉

僧朗致猛獸皆遁釋氏通鑑

東晉海西公太和四年竺僧朗於太山金輿谷崑崙山別立精舍學者聞風而至秦主苻堅欽其德遣使賜遺此谷舊多虎及朗居之猛獸皆遁至今人呼為朗公谷

慧永常有一虎馴伏釋氏通鑑

東晉孝武帝太元二年釋慧永初與遠公同依安公至是水先
至尋陽刺史陶範留之憇廬山捨宅棲止乃翔西林寺水真素
自然言常含笑善於講說門徒稍盛又別立一室於嶺上時坐
禪焉所居有香氣因號香谷常有一虎馴伏于屋水嘗至一橋
營主騎馬當道阻之水以杖指馬驚人仆明晨來寺悔過白黑
聞知歸心者衆

涉公禱雨釋氏通鑑

東晉孝武帝太元五年高僧涉公蜀人豫言事多驗不食五穀
日行五百里能呪龍降雨建元十一年至長安春每遇旱常詔
師祈雨師誦呪致龍于鉢命堅與群臣觀之乃遣昇空而雨王
臣士庶悉皆敬奉自是無復旱旱之憂是年十二月無疾而化

涉公若在豈使焦心於雲漢哉

曇曇言事有驗釋氏通鑑

東晉安帝隆安五年南涼釋曇曇霍專以神力化行疾如風力
者追之不及言人死生貴賤毫釐無爽人或藏少時立知其處因之事佛者甚衆鹿狐有弟
曰當修善道為後世橋梁檀曰公能七日不食以當奉佛乃幽
七日而霍無饑色檀因此改信節殺興慈國人蒙其祐咸稱
曰大師

曇曇致山神受戒釋氏通鑑

東晉安帝元興二年釋曇曇初仕符秦為衛將軍形長八尺雄
武過人符堅南敗因從安公出家次事廬山遠公內外綜涉志

尚弘法為遠入關致書羅什凡為使命十有餘年鼓擊風流搖動峰岫強捍果敢專對不辱後於山西營立茅宇與弟子曇璽沉思禪門果夢山神求受五戒果曰家師在此可往咨受後豈見一人風姿端雅從者二十人請受五戒豈知是山神乃為授戒說法神觀以外國七筋禮拜辭別倏忽不見

跋陀羅知五船之發釋氏通鑑

東晉安帝義熙二年天竺佛馱跋陀羅遊蜀賓積歲常於宴坐屢見神通已得不還果時有沙門智嚴等西往剡賓請來長安講讚大乘咸覲云與羅什公倒屣迎之議論多發藥秦太子泓嘗延至東宮對什論法時秦崇尚玄化沙門出入宮闕者數千唯跋陀寂靜曠然而已偶謂弟子曰昨見天竺五船俱發應合至矣又其徒自言得那含果僧正道碧曰佛不許言自所得法

五船之論何所窮詰弟子輕言誑惑於律有言義不同處跋陀遂渡江入廬山見遠公遠高之遣書關中雪其枉遠乃請出禪數諸經未幾而五船俱至共伏其靈通陀即持佛舍利五粒津塔於東林寺北上方

法安致虎受戒釋氏通鑑

東晉安帝義熙十二年釋法安遠公弟子也習禪講經善能開化時新陽縣虎災縣有社樹下築神廟安遊其村民以畏虎早閉門閤安至樹下坐禪向曉虎負人至投之樹北跳伏安前安為說法授戒虎有頃而去村人追虎至樹下見安大驚謂是神人一縣宗奉虎災遂息

佛圖澄靈異晉書

石宣將殺石韜宣先到寺與佛圖澄同坐浮圖一鈴獨鳴澄謂

曰解鈴音乎鈴云胡子洛度宣變色曰是何言歟澄謬曰老胡
為道不能山居無言重茵美服豈非洛度乎石韜後至澄熟視
良久韜懼而問澄澄曰怪公血臭故相視耳季龍夢龍飛西南
自天而落且而問澄澄曰禍將作矣宜父子慈和深以慎之季
龍引澄入東閣與其后杜氏問訊之澄曰脇下有賊不出十日
自浮圖以西北殿以東當有血流慎勿東也杜后曰和尚耄邪
何處有賊澄即易語云六情所受皆悉是賊老白應耄但使少
者不昏即好耳遂便為言不復彰的後二日宣中遣人害韜於
佛寺中欲因季龍臨喪殺之季龍以澄先誠故免及宣被收
澄諫季龍曰曾陛下之子也何為重禍邪陛下必含怒加慈者
尚有六十餘歲如必誅之宜當為慧星下掃鄴口季龍不從後
月餘有妖馬鬣尾皆有燒狀中陽門外有刀門一首東

不得入走向東北俄爾不見
一隙而歎曰災其及矣季龍大
享群臣於太武前殿澄吟曰殿
龍令發殿石下視之有棘生焉
初成圖畫自古賢聖忠臣孝子
悉縮人眉中惟冠髻髮髯微出
之流涕乃自啓瑩墓於鄴西紫
不得又曰得二年一年百日一
子法祚曰戊申歲禍亂漸萌已
化矣卒於鄴宮寺後有沙門從
而視之惟有一石而無尸季龍
將死矣因而遇疾明年季龍死
大亂

寶誌異術 南史

沙門釋寶誌者不知何許人有於
宋太始中見之出入鍾山往
來都邑年已五六十矣齊宋之末
倫或被錦袍飲啖同於凡俗恒以
趨或徵索酒肴或累日不食預言
易所遠近驚赴所居尊嗜齊武帝
咸見游行市里既而檢校猶在獄
與食金鉢盛飯汝可取之果是之
養縣令呂文顯以啓武帝帝乃命
帽亦不知於何得之俄而武帝崩
薨齊於此季矣

誌公先知南史

沙門釋寶誌者不知何許人齊末
小之交出入鍾山稍顯靈跡預

言水兆靈味寺沙門釋寶亮欲
來牽被而去蔡仲熊嘗問仕何
繩擲與之莫之解仲熊至高書上
住東宮後堂從平旦門中出入未
過至齊廢帝鬱林王見害果以臨
徐龍駒宅而帝頸血流於門限正
遠近答曰元嘉元嘉帝欣然以
而常冠下裙帽納袍故俗呼為
也

無識能驅鬼出境

氏通鑑

南宋武帝永初一年十月北涼
首尾八年追求三度譯圓四卷
無識譯涅槃經四十卷方竟
闕尚多聞法何其艱哉識頗

善呪術所向皆驗嘗告其主蒙以云有鬼入境必多災疫遜不信欲躬見為驗識即以呪加遜遜神呪驅之乃誦呪三日謂遜曰見而駭怖識曰宜潔誠齋戒云見數百疫鬼奔驟而逝既而北境之外疫死者衆境內獲安識之力也遜益敬識矣

生公說法使石點頭

釋氏通鑑

南宋武帝永初三年竺道生初從悟時涅槃後品未至生曰聞提以文字之師誣生為邪說擯而遣之生白衆誓曰若我所說不合經義請於現身即見惡報為實物佛心願捨壽時據師子座竟辨之入吳之虎丘山空不為徒誰我前說義契佛心吾群不背

識譯涅槃

後品至南京言闡提皆有佛性生大慰喜尋即講

曇始致屈在言謝罪釋氏通鑑

南宋文帝元嘉四年沙門曇始始初師羅什東晉孝武末三輔人多宗之宋武滅秦留子義鎮長安夏赫連屈旬追敗之道俗被坑戮而惠始接刃無傷屈旬大怒召始於前以佩劍自擊之又不能害乃懼而謝罪百姓免其酷毒始之力也至是魏大武平赫連昌始乃歸魏多所化道守自初習禪至於沒世五十餘年未嘗寤卧跣行泥水初不汚足色踰鮮白世號白足阿練

普明呪病得愈釋氏通鑑

南宋孝武帝孝建元年釋普明蔬食布衣專誦法華維摩每至勸發品輒見普賢乘象立其前而誦維摩亦聞空中樂聲又善神呪所救皆愈一人妻病請明來呪明入門婦便悶絕見一狸

從狗穴出因此而愈又嘗入一神祠神皆奔走

道汪念佛免難釋氏通鑑

南齊武帝大明三年釋道汪初師遠公究經律嘗行梁州道為羌賊所圍汪念觀音有頃覺如雲霧者覆汪身盜尋不見於是獲免後止成都化行巴蜀孝武帝聞汪德行迎為興寺主

阿那摩低復取唾壺釋氏通鑑

南齊孝武帝大明八年天竺阿那摩低至京常轉側數百貝子立知凶吉善能神咒以香掌亦見人往事世祖施其銅唾壺忽人竊之低以席一領空冠之咒上數遍經千三夕唾壺還在席中道公敬異焉

慧果度鬼見報釋氏通鑑

南齊明憲景和元年揚州瓦官寺釋慧果常誦法華一日廁見

鬼禮云昔為僧作維那小不如法墮地獄出生噉糞鬼中願師拔濟昔有錢三千埋在柿樹下願取為福果因告衆掘錢為造法華設命後夢見鬼云已得改生勝處

淨度寶馬負棺釋氏通鑑

南齊武帝永明五年釋淨度辟穀餌松肪能講誦禪律嘗誦寶積經及半而疾命侍者代之閱遍而化人見空中有寶馬負棺而去

慧約能馴獸弭精魅釋氏通鑑

齊明帝建武元年釋慧約少有風德齊太宰文簡公褚淵大尉王儉皆請講法淵遇疾夢神云菩薩當至俄約來而淵病即愈給事中龔幼瑜約族祖也每見輒起為禮或問此乃君族下願何乃恭耶瑜曰菩薩出世方師於天下豈老夫致敬而矣至是

沈約外任携行在羣惟禪誦為樂異香入室猛獸馴階有道士
下德靜於館暴亡傳云山精所弊長山令徐伯超請約居之神
魅弭息後見二青衣女子從澗水出禮云夙障深重墮此水精
晝夜煩惱約即為授戒自是災怪永絕

佛陁有神隨護釋氏通鑑

齊明帝建武四年天竺佛陁禪師初至魏北臺恒安孝文別加
資供後隨帝南遷定都伊洛復設靜院處之而志愛嵩岳初就
少室山為之造寺今之少林是也度弟子慧光及僧稠皆深定
業有一善竹常隨影護後報欲終自畫神像于壁

景師常有兩神立侍釋氏通鑑

南齊明帝建武四年廬山僧景法師示寂師久斷粒食常有兩
神立侍

南齊東昏侯永元元年釋慧通自宋元嘉中言未然之事皆
是年忽就人求酒云欲遠行為謝諸相識並宜精勤修善為
酒畢至墻邊卧地就看已死後復有人時見之

慧超致大力神降釋氏通鑑

梁武帝天監元年勅以釋慧超為大僧正超形過八尺腰帶十
圍戒德內修威儀外潔凡在緇侶皆遵成訓天子給傳詔羊車
局足健步衣服等供自聲教所被五部憲章咸稟風則嘗於講
論之暇忽見大力善神言當集同緣共來飡受及就講之日倏
然滿座容貌瓌異莫有識者竟席方散其威迹徵異若此

法雲感天華如雪釋氏通鑑

梁武帝天監二年法雲法師帝欽禮之勅出入諸殿時揚法要

常講法華經感天華如雪誌公敬之呼為大林法師

梁武造儀文燈燭盡明釋氏通鑑

梁武帝天監四年初帝夢神僧告曰六道四生受大苦惱何不為作水陸大齋而救拔之帝問沙門唯誌公勸帝尋經必有因緣乃取藏經躬自據覽初造儀文三年乃成於夜捧文停燭白佛若此文理協聖凡願拜起此燈自明或儀式未詳燈暗如初言訖投地一禮初起燈燭盡明至是二月十五日於金山寺依儀修設帝親臨地席詔祐律師宣文利洽幽明矣

誌公祈雨有應釋氏通鑑

梁武帝天監五年冬旱雩祭備至而雨未降誌啓講勝鬘請雨上即命法雲法師於華光殿講勝鬘講竟夜大雪誌又云須一盆水加刀其上俄雨大降高下皆足

香闍梨吐物盡活釋氏通鑑

梁武帝天監六年香闍梨止益州青城山寺時俗每至三月三必從山遊賞多將酒肉酣樂香屢勸之不斷後因二月又如前集香令人穿坑方丈許忽曰檀越等嘗自飲敗未曾與香今日須飡一頓諸人爭奉肴酒隨得隨盡若填巨壑至晚曰我大醉飽扶我就坑不爾汗地及至坑所張口大吐雉肉自口出即能飛鳴羊肉自口出即馳走酒食亂出將欲滿坑魚鮓鵝鴨游泳交錯衆咸驚嗟誓斷宰殺自後酒肉水絕上山此香之風德也後因誌公寄語遂化于寺弟子等營墓將殯怪棺太輕及開止見凡杖而已

梁武浴舍利有光屬天釋氏通鑑

梁武帝天監九年帝幸愛敬寺設無碍會以滿鉢水泛佛舍利

有最小者隱不出帝拜之舍利乃於鉢中放光屬天旋回久之
舉國咨嗟歎未曾有

勒那摩提致天神見釋氏通鑑

梁武帝天監十二年魏西域勒那摩提譯寶積論等六部二十
四卷宣武請講華嚴忽於高座見天神云天帝請講華嚴與都
講維那等五人同時於座而逝凡所聞見嘆未曾有

明達化賊使昏霾立霽釋氏通鑑

梁武帝天監十五年釋明達初巴峽蠻夷抄掠州邑達喻之未
服雷雨震擊賊驚而求哀令歸三寶昏霾立霽遂使江路肅清
又欲起木塔而水自流至材木患孳者投杖即行化行楚蜀是
夕卒

嵩頭陀咒使刹自立釋氏通鑑

梁武帝天監十七年嵩頭陀法師居婺州雙林北四十里岩谷
間樓偃常侍為創香山寺及建靈刹道俗萬眾共引麻紵舉刹
紵忽中斷引者皆顛躓師乃曰有何魔事使之然乎因以鉢盛
淨水內外攬之呪而作禮捧鉢遠刹一周刹乃不假人功屹然
自立後又至萊山立寺師常曰萊山王而不久香山久而不王
後果如所言

道琳祈請拔頭有驗釋氏通鑑

梁武帝天監十八年富陽縣泉林寺釋道琳持戒誦淨名等經
寺有鬼怪琳居之便歇弟子為屋壓頭陷入甬琳為祈請夜見
兩梵僧拔出頭旦遂平復琳又設聖僧齋鋪新帛於牀上齋畢
見帛上有人迹皆長三尺眾皆服其精惑琳是年卒

慧達道仙得水火三昧釋氏通鑑

梁武帝普通二年時慧達禪師得水觀三昧每入定有窺者見
清水滿室沙門道仙得火光三昧所居之室玄夜大明

明琛以蛇勢法授學者釋氏通鑑

梁武帝普通五年釋明琛經論雖富而以微難為心深忌時之
講者初為屋子法誘人次撰蛇勢法以授學者因同伴二人止
一林下琛曰我今內熱便解衣赤卧翻覆不定須臾兩足合為
蛇尾乃曰我作蛇勢論今報至矣卿可上樹蛇心若在則有吞
噬之緣伴便上樹奄便全身作蛇唯頭未變在地自打欬作蟒
頭忽長五文舉首四視目如火星時諸蛇總至相隨趣谷而去
其伴目驗斯報至鄴說之

稠師解虎交關釋氏通鑑

梁武帝中大通四年僧稠禪師初受道房禪法入山習定數年

復詣少林寺跋陀更授深要乃往高岳寺僧有百人泉水才足
忽有婦人弊衣坐階聽僧誦經眾呵遣之婦有愠色以足踏泉
泉即竭身亦不現眾以告稠稠三呼優婆夷神乃出稠謂曰眾
僧行道宜加擁護婦即以足撥於故泉水即上涌後詣懷州西
王屋山修定聞兩虎交鬪乃以錫杖中解各散而去後又移上
青羅山懷州馬頭山魏明帝三召不出乃就山送供至是魏孝
武召之不出於尚書谷為立禪室集徒供養

尚圓治鬼釋氏通鑑

梁武帝大同九年釋尚圓以呪術救物梁武陵王紀宮中鬼怪
為魅王令射者射之鬼接而返擲請圓入宮諸鬼競前作諸怪
變圓安坐告曰汝等小鬼敢入王宮能變我身則可自變萬種
且佳聽我一言諸鬼合掌住立圓始發云南無佛陀鬼皆失所

自爾安靜武帝聞而召之大蒙賞遇

智泉然燈有應南史

梁武帝時有沙門智泉鐵鈎挂體以然千燈一日一夜端坐不動開講日有三足鳥集殿之東戶自戶適于西南縣楣三飛三集白雀一見于重雲閣前連理樹又有五色雲浮於華林園昆明池上帝既流遁益甚境內化之遂至喪亡云

思大歸南岳有驗釋氏通鑑

陳臨海王光大元年南嶽思大禪師自止大蘇山凡涉十稔師示衆有云道源不遠性海非遙但向已求莫從他覓覓即不得亦非真其他隨扣而應以道俗所施造金字般若法華經時衆請師講二經隨文發解復命門人智顛代講至一心具萬行請決顛即諮受法華行三七日得悟是年自大蘇山將四

十餘僧徑趨南嶽既至謂其徒曰一寄此山止期十載已後必事遠遊師曰吾前生曾居此處領陟嶺見一所林泉勝異曰古寺也吾昔居之掘地果得僧用哭血殿宇基楹大楮兩石下得遺骸乃建塔今三生塔是也又以東畔靈石之側建臺為衆講般若法正當大岳之心今般若之可是也南北學徒慕義而來師患無水忽見岩下潤以錫杖卓之果得一泉猶未周果續有二虎引師登嶺跑地哮吼泉水流溢也今虎跑泉是也或問何不下山教化衆生一向目視雲漢作麻公師曰三世諸佛被我一口吞盡更有甚麼衆生可度昔江左佛學盛學義門自思南度定慧雙舉為時之宗

高師被縊復見空中釋氏通鑑

北魏太武太平真君五年魏太子星被崔冠所讒太武疑之晃

求哀沙門元高高為作金光明懺七武夢其先祖讓之曰不當以讒疑太子既寤以語羣臣臣皆曰太子無過待之如初崔浩懼太子將不利於已白太武曰太子前實有謀結高以術致先帝恐陛下耳若不早除必為大害士武怒是年九月收高及慧崇縊之高弟子元暢遠奔至泣高直曰忽開眸曰盛衰在迹理常湛然善自修心言訖長往又法達見一高於空中進曰和尚崇公生何所高曰我往惡處救衆生崇曰以安養矣

稠師致神護寺

釋氏通鑑

北齊廢帝乾明元年帝暇日欲觀佛之靈異稠曰非沙門所宜帝強之乃投袂袞于地帝使數十人舉之不動稠命沙彌取之初無難焉因爾篤信兼常寺宇僧供勞賜優渥齊滅周廢以寺賜大夫柳務文及入主時有神怒曰何敢凌犯須隨洹寺後隋

初興復奄同初建云

僧實救堂倒之厄

釋氏通鑑

北周武帝保定三年禪師僧實王臣禮敬一日告僧曰急修法事誦觀世音救江南某寺堂崩厄也爾時揚都講堂正論法集道俗充滿忽聞西北異香空中伎樂合堂驚出而堂剝摧倒大衆無損奏聞梁主乃移以問方知實之所祐由是名振二國

道舜懺悔化牛之女

釋氏通鑑

隋文帝開皇元年釋道舜廣行法化獨不為一女受戒以當生牛中其相已現衆疑其言舜乃踏其裙後空地云是尾影女即不能起衆驚信求救其女盡捨家皆舜為營福懺悔惡業即滅

智操定中龍湧

釋氏通鑑

隋文帝開皇六年釋智操初染疾傳念月光菩薩夢人吸嚙三

夜即愈及從智者受道定中見九頭龍涌昇虛空是年住寶林寺行法華三昧有惡鬼於三七日中夜夜惱之璪坦然無懼鬼乃不現

曇詢能解熊虎交爭

釋氏通鑑

隋文帝開皇六年釋曇詢嘗山行遇一虎鬪詢執錫分之虎安尾而散屢逢熊虎交爭皆解之而入馬不亂獸見如偶每入禪定七日方起化流河朔盛闡禪門隋帝重其德勅儀同三司元壽親奉香伊訶開皇末卒

智者建齋愈疾

釋氏通鑑

隋文帝開皇十一年天台智者大師金陵敗覆乃憩廬山刻迹雲峯煬帝在藩為晉王任總淮海地師求戒是年十一月二十日於揚州總管金城設僧會授菩薩戒即於內第躬傳

戒香授律儀法乃奉名為智者大師後廬山晉王再請出城乃著淨名疏偶蕭妃疾苦王致書請救師建齋七日行光明戲忽鳥飛入壇宛轉而死須臾飛去師知妃當愈翌日果瘳王大嘉慶師後歸天台焉

慧越因羣獸而說法

釋氏通鑑

隋文帝開皇十二年釋慧越住羅浮山聚眾業禪性多慈愛曾有羣獸來前因為說法虎以頭枕師之膝師乃捋其鬚後晉王召入府宣化

岑闍梨能治犬鼠

釋氏通鑑

隋文帝開皇十五年襄州禪居寺岑闍梨禪念為業常就厨請粥入房養一犬并寺內鼠數千每旦來集犬鼠同食偶失一鼠意必犬殺之即責犬犬便嚙來乃以杖捶犬又寺僧被鼠啣衣

以告岑岑召諸鼠各令相保一鼠無保岑曰汝何齒人衣杖捶之鼠不敢動岑為寺貧指泉下某處為厨某處為倉人笑之經宿水縮地出如語便作遂令豐渥

法克投峰不損 釋氏通鑑

隋文帝開皇十八年釋法克住廬山化成寺修定每勸僧眾無以女人入寺上損佛化下墜俗謠然世以基業事重有不從者克以教不行乃投身於香爐峰下千有餘仞不損一毛僧迎還寺即斷女人矣

智曠言事有驗 釋氏通鑑

隋文帝開皇二十年釋智曠初值道流誘以神仙符籙曠謂非道又請度世法乃示斷粒必到至清七日便飛至期不應道曰爾猶飲水也次七日絕水又無應道曰爾夜尚眠致無感耳又

七日常坐不卧三期既滿靡克升天後值高僧授成為佛弟子德行動人漸示潛迹江陵張詮二世眼盲曠曰爾家家內棺枕古井移墳開甃必獲襮馬因即隨言瞽者見道請求剃落眾咸憚焉年將不惑始獲為僧又於咸陽造佛迹寺有牛產犢出首還隱其母將亡曠曰此犢是寺居士侵用僧物今來償債其羞不出因呵戒之應言便出其神異甚多是年九月克期而逝所造八寺咸有靈奇

道仙叱龍即雨 釋氏通鑑

隋文帝仁壽元年釋道仙初作商有寶貨兩船貪心未已值僧說法豁然勇悟曰吾當沉寶江中出家離著索然無擾豈不樂哉即沉一船眾止其次令修福業仙曰終為紛擾勞苦自他即又沉之投灌口山寺落髮誓不得道不出由是迥絕人蹤結宇

岩曲入定常四五日禪學之侶皆造問焉因旱乃至龍穴叱其龍即雨至民皆敬之蜀王秀召之不出欲躬往加刃及至山足雨雹水涌王乃遙歸懺禮天即明霽至山盡敬邀出成都厚禮崇仰舉城恭敬號仙閣梨至是返山尋即示寂

法安刀刺石出泉釋氏通鑑

隋煬帝大業十一年釋法安開皇中見晉王便住慧日王所遊履必齋隨從及幸泰山四顧無水安以刀刺石出泉供用或當遭變皆預避之得無損敗大業之始帝彌重之威轡王公見皆屈膝常侍三衛奉之若神是年春無疾而化壽九十八

明恭能擲虎食猪釋氏通鑑

隋煬帝大業十四年釋明恭住鄆州會善寺具力若神曾山行見虎猪交鬪猪漸不如恭語虎曰汝令去虎不言以一手

捉頭一手撮尾擲之山下又以僧衣置磔下僧怪之恭笑為柱取衣至是賊起抄掠令其寺辦數十人大猪食具恭延賊食賊讓恭先恭乃鋪餅數十安猪啖之須臾食盡賊眾驚伏恭召為護寺擅越群賊許之故隋唐交軍其境絕賊往來恭之力也

釋慧琳治病索裙釋氏通鑑

唐高祖武德六年時釋慧琳言事多驗常供養塑像忽生鬚三十六曾為人咒病得差病者令女齋裙以施女留衣而送直琳遙見曰但將裙來我不要錢女驚其聖

釋灌頂焚香愈病釋氏通鑑

唐太宗貞觀六年釋灌頂自大業中止天台山定慧兩修語默變化是年八月七日終於國清壽七十二初頂化流囂俗神用弘方有村人染患將絕頂為焚香轉法華經疾者聞香入鼻即

愈嘗於章安攝靜寺方講涅槃經有群海賊至寺忽見持弓執戟人皆文餘賊即驚退靈應非一

釋智苑欲造佛堂有雨漂木 釋氏通鑑

唐太宗貞觀十三年釋智苑以石寫經藏諸石室欲造佛堂以山無木忽暴雨漂木千株至焉是年苑卒

釋杜順治聾啞顛狂之病 釋氏通鑑

唐太宗貞觀十四年杜順法師少為隋文帝所重給月俸供之或人有病順對之危坐少頃即愈或聾者順與之言耳即聰或啞者順與之語即能言或狂而顛者順向之禪坐彼即拜謝而去又嘗臨溪隨侍者懼不可濟順率同涉水即斷流其神跡類如此而順墮然初不以介意尤濠華嚴宗旨太宗素敬重之常引入宮禁導迎善氣妃主戚里諸貴奉之有如生佛嘗集華嚴

法界觀弟子智嚴尊者傳其教是年五月示寂

釋慧瑜有黑蛇護相 釋氏通鑑

唐太宗貞觀十四年釋慧瑜初入玉泉山寺側有泉旁作草庵宴坐二十三年泉神供奉時或見開有黑蛇長二丈隱顯現身如守護相群賊雖來無敢近者有十賊至蛇張目出光賊徒皆倒兩日後瑜知而往救七人已死蛇隨瑜行為誦大品大明咒訖三人方活後道俗請出昇覺寺講法是年七月合寺同見群星入井不測其故八月講大品至往生文未訖手執如意於座而逝

釋靜琳惟舌不壞 釋氏通鑑

唐太宗貞觀十四年釋靜琳自武德間皂白歸依尚書杜正倫等名臣並誓為弟子是年十月遷寂焚之唯舌不壞師一生節

儉衣壞則以紙補之飲食不言於美惡涕唾莫顯於口鼻敬謹之極兼以行位難測蚤蟲不歷於身逮至名高福重矚錫日增並委侍人口無再問

釋靜之誦經愈疾釋氏通鑑

唐高宗顯慶五年三月西明寺靜之禪師遷逝嘗鼻患肉塞百方無驗有僧令誦般若心經萬遍恰至五千肉鈴便落

僧善道念聲口出佛釋氏通鑑

唐高宗龍朔二年時善導和尚入京廣化人念彌陀修淨業時在光明寺說法有告曰今念佛名定生淨土善導曰定生定生乃口誦阿彌陀佛聲聲相續每一聲則有一佛出其口中因出寺門上柳樹表合掌向西投身於地而逝

張僧繇能放光釋氏通鑑

唐高宗麟德二年益州法聚寺有張僧繇畫地獄菩薩像是年七月寺僧圖得一本放光展轉圖者類皆放光环林僧慧昱圖寫荊州長沙等瑞像至京在都堂放光聞見發心各畫供養

舟人施財而獄訟脫釋氏通鑑

武后萬歲通天元年詔有番僧樂住者所在配江時泗州大師不欲異凡乃於楚州龍興寺隸名適議建佛殿大師忽言吾助五百貫問在何間答言非遠乃到江畔見數船一王師招住後船責云無心濟物已是愚迷何故劫人更加傷害石不捨施汝必遭刑舟人遂捨五百貫哀求救護尋遭揚子縣攝捕囚在囹圄款問已實甘心待死惟想江邊大師疑是觀音聖者乃志心想念師忽現雲中慰曰但知專念不必它憂罪款以圓於案中恩赦忽流於天下實為寒灰發焰朽骨生肥矣

泗州大師神通廣大釋氏通鑑

武后神功元年泗州大師或宴坐於深房或振錫於長路水洒石師之口盡療于母牙疼瓶擲裴公之房頓瘳十氏疾疾施扇則畢令風濤無害慈幼則趙母病苦自痊不施駿馬則孫令墜馬而亡不施鈔鑼則裴氏完鑼而沒後與門人更心儼誓願遊方離山陽而道俗攀依到淮陰則舟航稽首莫不俱帆獻供息棹焚香請降臨而不來無邀迎而忽至

僧伽大士求雨釋氏通鑑

唐中宗景龍二年詔泗州僧伽大士入宮帝稱苦旱子三台問法百辟歸心復館于薦福寺在京數月忽大旱帝幸大士至內殿求賜甘雨師曰無須別物只要御瓶纔傾瀉於地津便大霽於甘雨矣帝為度慧儼慧岸六興三人為侍者帝親書所居寺額

曰普光王先送歸泚

宋璟禮塔致雨釋氏通鑑

唐玄宗開元四年宋璟為廣州節度入曹溪禮祖塔誓曰弟子願畢世外護大法祈一祥瑞表信言訖微香襲人甘雨傾注璟忻躍賦詩而去未幾召入與姚崇相繼執政世稱姚宋為中興賢相云

不空與羅思遠驗優劣釋氏通鑑

唐玄宗天寶六載詔不空三藏入內結壇為帝灌頂賜號智藏國師時方士羅思遠以術得幸有旨令與不空驗優劣他日會于便殿思遠持如意向之言論次不空就取如意投諸地命遠舉之遠饒力不能動帝擬自取不空笑曰二郎彼如意影耳即舉手中如意示之思遠欽服而罷不空凡祈禱必張綉座手持

木神誦咒擲之神自立于座四衆環視必見其神目吻瞬動所禱雖造化之功可奪也朝野奉之如佛

三歲咒斃大蛇釋氏通鑑

唐玄宗天寶九載洛陽有巨蛇出芒山下長百餘丈人觸氣即死有詔命不空三歲咒之不空驚曰是將混洛陽為渚者也咒之二日而斃

僧不空咒神兵救涼州釋氏通鑑

唐玄宗天寶十二載西蕃寇圍涼州帝命三歲不空祈陰兵救之空誦仁王密語數番有神介胄而至帝親見之問曰此何神也空曰北方毗沙門天王長子也空誦密語遣之數日涼州捷報有神兵至威武雄盛賊畏懼卷甲而去帝大悅詔天下軍壘皆立毗沙門天王祠

僧崇惠與道士華擒法釋氏通鑑

唐代宗大曆九年道士史華以術得幸因請立刃梯與沙門擒法有旨兩街選僧克日較勝負沙門崇惠常誦楞嚴咒表請挫之帝率百僚臨觀史華履刃梯而上命惠登之惠躡刃而昇往復無傷惠乘勝命聚薪於庭舉烈焰惠入火聚呼華入華慚汗不敢正視帝大悅而罷賜崇惠號護國三歲

僧負澤投胎果笑釋氏通鑑

唐代宗大曆九年沙門負澤與隱士李源厚善相率游我嶺澤欲由長安往源欲自荆往遂自荆州舟次南浦見錦襦婦汲水澤泣曰所不欲由此者為是源驚問故澤曰婦人孕三稔矣遲吾為之子不逢則已今逢無可逃者我生三日願公臨顧以一笑為信後十三年於杭州天竺二寺外當與公相見吾以三生為

比丘居湘西之嶽麓寺有巨石林間當習禪為上澤亡婦乳三日源往視之兒果笑後如期至吳赴約於葛洪井畔聞牧童歌曰三生石上舊精菟賞月吟風莫要論慚愧情人遠相訪此身雖異性常存源曰澤公健否荅曰李君真信士然世緣未盡且勿相近惟勤修不惰乃復相見又歌曰身前身後事茫茫欲話因緣恐斷腸吳越江山尋已遍却回烟棹上瞿塘遂隱不見

鄧隱峰振錫息闢釋氏通鑑

唐憲宗元和十一年鄧隱峰之五臺道由淮右屬吳元濟阻兵蔡州與官軍戰師曰吾當少解其患乃振錫空中飛身而過而軍仰觀歎異闕心頓息以是官軍得成其功焉

馬郎婦化人奉佛釋氏通鑑

唐憲宗元和十二年馬郎婦欲化陝右乃之其所人見其姿貌

風韻欲求為眷曰我亦欲有歸但一夕能誦普門品者則事之至明誦徹者二十輩婦曰女子一身豈配汝等可誦金剛至旦通者猶十數婦更授法華七軸約三日通至期獨馬氏通婦令具禮成姻馬氏具禮迎之婦曰適體中不佳俟少安相見客未散而婦死矣而壞爛遂葬之數日有老僧仗錫來請馬氏問所由馬氏引至葬所僧以錫撥開見尸已化唯金鎖子骨在馬僧以骨挑錫上謂眾曰此聖者憫汝等障重故垂方便化汝宜思善因免墮苦海忽飛空而去自此陝右奉佛者眾

無著入五臺文殊顯見釋氏通鑑

唐宣宗大中九年無著文喜禪師入五臺山求見文殊忽見山不揖曰願見文殊大士翁曰大士未可見汝飯素著曰未翁引入一寺引著升堂命坐童子進玳瑁盃貯物如酥酪著飲之

覺心神清朗翁曰南方佛法如何住持著曰末代比丘少奉戒律曰多少衆曰或三百或五百著問此間佛法如何住持曰龍蛇混雜凡聖同居曰衆幾何曰前三三後三三遂談緒及暮翁命童子引著出行未遠著悽然悟翁即文殊也不可再見稽首童子乞一言為別童子有無垢無染即真常之語言訖童與寺俱隱但見五色雲中文殊乘金毛獅子往來忽白雲覆之不見其處

普化師空中振鐸釋氏通鑑

唐懿宗咸通元年普化將示滅乃問人乞直裰或與表襖皆不受臨濟令人送一棺師笑曰臨濟廝兒饒舌便受之乃辭人曰明日東門死郡人送出城師曰明日南門死第二日又曰明日西門死第三日曰明日北門遷化第四日自擊棺出北門掘

鐸入棺而逝郡人揭棺視之已不見唯聞空中鐸聲漸遠

大同師說法禦強徒釋氏通鑑

唐僖宗廣明元年舒州投子山大同禪師值天下喪亂一日有狂徒持刃上山師乃隨宜說法渠魁聞而拜伏脫身服施之而去

圓覺師救龍得水釋氏通鑑

唐昭宗文德元年龍湖圓覺禪師自住山數年飯木實飲谷水嘗危坐於路傍杉木之上占望形勢引錫一擲隨其所止即建堂殿既而道德播聞緇徒雲集遂成巨刹忽有老人跪請曰我乃龍也家于此山以行雨不職上天有罰當死願賜救護師曰汝得罪上帝我何能致力雖然汝可易形來俄化為小蛇師以錫杖引入淨瓶良久風雷挾坐榻山岳搖振師宴坐達旦天宇

澄霽蛇自瓶出有頃復為老人形而謝曰若非藉法力則血肉腥穢此地矣無以報德山中無水何以安衆當以水延師道場也即於峻谷窮源刮石成穴湧泉一泓始雖涓涓終焉衍溢遂成一湖今在羊山龍湖之名蓋始於此迺寒不冰大旱不竭其流四出灌溉田數百頃邦人神之建祠其上歲時享祀焉今遇上乃師誕辰龍必朝謝有祥雲瑞氣之應邦人由是益皈於師施財貧者施力翕然而成樓觀院之右十五里有隋義寧寺守之廟即今福善王也廟食至是年歷二百七十餘載其神靈禍福此邦民畏敬之牲牢饗祭無虛日師見而潤焉一日杖策之祠下說偈見意告之曰悟道然同死死中生不忘虎用無心伏人來與惠降殺生及祭祀輪迴萬劫殃為報人天道無遮福最強欲種當生果今生足資糧到處人驚怖修齋

勸大王昔年地獄裏今日作天堂復與之約曰能食素持不殺戒乃可為鄰是夕里之父老夢神云我今受禪師戒我不復血食祭我當如比丘飯足矣如是易血食以齋羞至今遵之神人相安自是神顯靈異護持此山或云師嘗與神以道力角勝負廟傍有松巨榦參天師舉手拗下拂地三匝而神實拂其二遂屈而從之右丞黃履作詩寄僧云龍湖曾與祐民談手轉松梢拂地三感得茹蔬今尚爾聞師孤潔可追參後有僧紹新偈云古木寒鴉畫鎖烟靈風長在劫頻遷忽思圓覺當年事只與談因不論禪審此則或者之說又未必然今併錄之

奇木刻佛像晝夜有光

釋氏通鑑

後晉高祖天福四年上天竺僧道翊一夕見山間光明往視之得奇香木乃命良工刻成觀音像白光煥發夜亡列燭之光晝

掩太陽之景聖像既成靈感尤盛乾祐戊申歲有僧從勲見曰
吾遊洛得古佛舍利一顆寶之久矣今願置菩薩毫相中可以
助其神翊師從之至今舍利或現頂冠肉髻間

上元民復生言驗釋氏通鑑

後晉齊王開運元年江南上元縣一民暴死三日復甦云至一
殿庭忽見先主襟械甚嚴民驚問曰主何至此曰吾為宋齊立
所誤殺和州降者千餘人冤訴因此汝既得還仗汝歸語嗣君
凡寺觀鳴鐘當延之吾受苦唯聞鐘則暫休或能為造一鐘尤
善吾在位嘗與于闐國交聘遺吾一玉天王像吾嘗置於髻後
歲於九棺寺佛左膝人無知者汝以此事為驗民既還家遂乞
見主具白之主親詣九棺剖佛膝得之感泣遂立造一鐘於清
涼寺鐫其上云薦烈祖奉高皇帝脫幽出死以玉像建塔葬於

蔣山

志言真身今刊宋史

僧志言自言姓許壽春人落髮東京景德寺七俱胝院事清遜
遜見其相貌奇古直視不瞬心異之為授具戒然動止軒昂語
笑無度多行市里褰裳疾趨舉指盡空佇立良久時從屠酤遊
飲啗無所擇衆以為狂疎獨曰此異人也人有欲為齋施輒先
知以至温州人林仲方自其家以摩訶來獻舟始及岸遽來取
去仁宗每延入禁中徑登坐結趺飯畢遽出未嘗揖也或陰卜
休咎書紙揮翰甚疾初不可曉其後多驗仁宗春秋漸高嗣未
立默遣內侍至言所言所書有十三郎字人莫測何謂後英宗
以濮王第十三子入繼衆始悟普淨院施浴夜漏初盡門扉未啓
方迎佛而浴室有人聲往視則言在焉有具齋薦鱸者并食之

臨流而吐化為小鮮群而注而去海客遇風且沒見僧操絙引舟而濟客至都下遇言忽謂之曰非我汝柰何客記其貌真引舟者也將死作頌不可曉口而曰我從古始成就逃多國土今南國矣信示遣內侍以真身力塑像置寺中榜曰顯化禪師其後善厚者禮之見容之熒然有光就視之得舍利

瞻巴禱應

元史

國師瞻巴者一名功嘉苦刺思西蕃突甘斯旦麻人幼從西天竺古達麻失利傳習梵以得其法要世祖中統間帝師八思巴薦之時懷孟大旱世祖人禱之立雨又嘗呪食投龍湫頃之奇花異果湧出波面取以進世祖大悅樞密副使月的迷失鎮潮而妻得奇疾瞻巴以持數珠加其身即愈又嘗為月的迷失言異夢及已還朝期以皆驗元貞問海都犯西蕃界成宗命

禱于摩訶葛刺神已而捷書果至又為成宗禱疾遄愈賜與甚厚且詔分御前校尉十人為之道從成宗北巡命瞻巴以象與前道過雲州語諸弟子曰此地有靈怪恐驚乘輿當密持神呪以厭之未幾風雨大至眾咸震懼惟帳殿無虞復賜碧鈿盃一大德七年夏卒皇慶間追號大覺普惠廣照無上瞻巴帝師

高僧

異行出於衆僧之表者

寶掌住世千歲

釋氏通鑑

東漢獻帝建安元年西十一歲寶掌和尚願住世千歲至是東遊此土常不食日誦經十餘卷復入蜀禮普賢

孝龍折朝明服者

釋氏通鑑

晉惠帝太安二年沙門古孝龍有機辨是年講放光般若人皆

宗仰阮瞻庾凱尤敬之有朝其胡服者龍曰以道觀之誠不見有容服之異彼謂我辱我棄彼榮則無心之貴愈貴無心之安愈安耳

法雅致門徒數百釋氏通鑑

東晉成帝咸康三年竺法雅久事佛圖澄才思俊瞻嘗與康法朗等撰經中格義以訓門徒法朗初誓遊西域路見一僧患痢朗乃停留看之至七日滿房皆香始悟其異於是遍遊諸國精究經論後於中山開講門徒數百有弟子令韶常入定數日不起

慧鬼見鬼及女不惑釋氏通鑑

東晉孝武帝太元十九年釋慧鬼多在山禪定有一無頭鬼來鬼曰汝無頭痛之患一何快哉鬼便隱復作無腹鬼來鬼曰汝

無五臟之憂一何樂哉頃甲復作異形鬼皆隨言遣之後因寒雪有一女子來求寄宿姿容婉媚衣服鮮明自稱天女以上人有德天遣我來以相慰喻談說欲言勸動其意鬼執志貞確一心無擾乃謂女曰吾心若死灰無以革囊見試女遂凌雲而逝顧嘆曰海水可竭須彌可傾彼上人者秉志堅貞鬼以隆安三年與法顯遊西域焉

什師吞針戒衆僧釋氏通鑑

東晉安帝義熙三年什法師嘗講經草堂寺秦王及朝臣沙門數千衆肅容觀聽王曰法師才辯海內無雙可使法種不嗣哉遂以宮女十輩逼令受之什自是不住僧房別立解舍諸僧有効之者什聚針盈鉢謂曰若相效能食此者可畜室耳舉七進針如常饒諸僧愧止初什嘗與母謁月支國北山尊者山謂

其母曰善護此沙彌年三十五毗尼無缺度人如龜多不爾正
俊法師耳天竺佛隨耶舍至姑臧聞什受秦宮女歎曰什如好
綿其可使入棘刺乎什聞耶舍來勸秦王迎之耶舍至王郊迎
別剏精舍處之供設如王者耶舍一無所受時至分衛一食而
已善毗婆沙論而髭赤時號赤髭毗婆沙

遠師過虎溪成三笑 釋氏通鑑

東晉安帝義熙六年時遠法師每送客不過虎溪道士陸修靜
同淵明入山見師師送之執手共話不覺虎溪三人相顧大笑
令人畫之為廬山三笑圖

耶舍致遠公深敬舍利 釋氏通鑑

東晉安帝義熙十年佛陀耶舍南游廬山遠公深敬之舍乃躬
自負鐵於紫霄峰頂鑄塔如來真身舍利塔其中今存焉

遠師逝後清風襲人 釋氏通鑑

東晉安帝義熙十一年八月初六日慧遠法師合掌面西而逝
壽八十四謝靈運製碑有廬山集二十卷行于世師居廬山三
十年影不出山迹不入俗弟惠持亦有高行社衆數十持居第
一座其社衆名跡尤彰彰者一十八人俗士則有劉遺民雷次
宗周續之宗炳張野張詮法師則有慧永慧持道教劉賓則有
佛馱跋陀羅尊者他如慧嚴曇順曇常道曇詵類以童穉出
家同修淨社最後有三道生及劉賓佛馱耶舍尊者以義熙十
八年方入山則剏社二十六七年矣猶得在十八賢傳列至今
清風襲人又陶淵明以山無酒而去謝靈運以心雜不得入社
陸修靜嘗從遠公問道今世傳有二十一人焉遠之門德行則
又有道祖僧遷道流並才美英烈有慧要者惠山中無刻漏乃

於水上立十二葉芙蓉因波轉以定十二時晷景無差餘皆有
名于世

達師致帝王殊禮釋氏通鑑

梁元帝太平元年僧達禪師虎頭長耳雙齒過寸形器異倫見
者驚奉梁武帝嘗從受戒誓為弟子後辭還魏國餌苓斷粒齊文
宣帝特加殊禮前後六度歸崇十善帝為達於林慮山立洪谷
寺又捨神武舊廟造定寇之兩以居之山神禮奉每現靈迹初
誌公嘗曰達禪師大福德人也也是年六月端坐而逝壽八十二
帝奔赴舉聲大哭六軍周迴山林為動乃葬于谷

寶瓊致海東國圖像釋氏通鑑

陳文帝天嘉六年法師寶瓊身長七尺五寸背胛龍文口三十
九齒異相奇挺梁武帝嘗召講法復開講于建安寺有白龍出

現之異後復出都道俗欽慕陳武帝不尊敬永定三年夏於

重雲殿閣正弘大品夢朱衣神催其疾再講竟而雷震陳祖尋

即昇遐方知前告文帝即位勅為京邑僧正師鎮之以清淨

馭之以無為篇禁不煩遮罰每省僧尼服自梁僧之於此任

薰灼威儀翼衛亞於王公吏卒喧於堂庶瓊臨已來頓祛前政

朝野嘉其真素海東諸國圖像還蕃貢送敬

智者為陳國師釋氏通鑑

陳宣帝太建七年天台智者大師智顛子德安姓陳荊州人眼
有重瞳七歲聞誦法華便能憶記十八一家及謂大蘇山思禪
師即示普賢道場為說四安樂行師入如既三夕便悟法華三昧
旋隨羅尼及學成往辭思曰汝於陳國有緣往必利益思既遊
南岳顛便詣金陵在瓦官寺創弘禪師法射徐陵尚書毛喜等

明時貴望並稟禪旨自是隨處闡化道以歸教嘗夢登高山見一僧以手招之門人曰此天台山也是年九月領徒至天台山定光出迎曰憶昨相招否師驚異而禮之光曰此處金地吾既有之佛隴北峰螺溪銀地宜居行道於是師開山創庵光曰且隨宜安堵至國清時三方總一當有貴人為師立寺矣北峰螭魅百端驚惱師定忍不動所感即滅陳宣帝以師為國之望割始豐縣調以充衆費蠲兩戶民用供薪水師之夏講衆見三道寶階從空而降數十梵僧乘階而下入寺禮拜遶師一匝久之乃去永陽王百智出撫吳興請戒習觀世世歸依陳帝七使詔師還都師乃出馬陳主禮迎講法百僚盡敬又移居光宅陳主幸寺修行大施又講仁王帝於衆中起拜殷勤儲后已下並崇戒範請為國師師往居臨海民以瘡疥為業曾網相連四百餘里師以施金買斯海曲為放生池表聞宣帝勅嚴禁不得採捕仍為立碑

提耶舍遊五十餘國 釋氏之遊鑑

隋文帝開皇九年八月那連提耶舍忽告衆曰佛法難逢宜勤修學人身難獲謹勿空過言訖奄爾而心壽滿百歲師形貌瓌竒頂如肉髻耳長而從身目正處中真傳法碩德之相也師四十許年遊五十餘國涉十五萬里山神海獸無非奉敬異迹頗多具見

智者功德不可勝紀 釋氏之遊鑑

隋文帝開皇十七年天台智者大師自天台山告衆曰吾當卒此地矣至是年十一月二十二日於石城寺施床面西稱彌陀佛又與晉王別遺書七紙屬以大法便人吟唱法華經題又聽無

量壽竟索湯嗽口說十如三觀六度四教等法有問其位者曰
吾不領衆必淨六根損已利他只五品內位耳觀音勢至皆來
迎我波羅提木又是汝宗仰四種三昧且汝明道且名默然吾
將去矣言已端坐如定而逝壽六十七歲卅四十一仁壽末年凡七
現身重降山寺師身過七尺目佩異光而西垂範化通萬里屢
感幽祥殆非可測所造大寺三十六所經一十五歲著疏百
造金銅土木等像八十萬軀度僧 萬五千人五十餘州
道俗受菩薩戒者不可勝紀傳業學士 十二人習禪學士散
流江漢天下後世宗之目為四教法性宗 行宗謂之天台教

智舜戒人食肉 釋氏通鑑

隋文帝仁壽四年正月二十日智舜禪

遷寂師 食肉

不執財每見貧餒或解衣以給或剖口

施處山積歲 食肉

人便以火淨髮有奉其米麪者師避去一無所受或問其故
山居橡粟足以禦饑何煩於人其簡易如此有獵者逐雉飛
師房苦勸而不止師乃割耳遺之彼即投弓解鷹從師學道於
是諫篤數村捨其獵業或見啗肉者必慘容戒之曰六道殊形
汝無不經一切有命皆汝父母一切有生皆汝曩形而食其肉
者是食汝父母汝心安忍哉聞者莫不慘革

希運能悟學徒 釋氏通鑑

唐文宗太和六年希運禪師初見百丈問馬祖機緣文舉再參
馬祖掛拂話師大悟得法後乃住洪州高安縣黃檗山鷲峰下
大安寺海衆奔湊常千餘人其道峻其行孤其言簡其理直故
學徒悟道者衆

慶諸學徒號枯木 釋氏通鑑

唐昭宗文德元年四月石霜慶諸禪師告寂師止石霜二十年學眾有長坐不卧屹若株杙天下謂之枯木眾也僖宗聞師道譽嘗遣使齎賜紫衣師牢讓不受壽八十二謚普會大師塔曰見相

講僧

講說佛法之僧

支遁許詢致聽者欽服 釋氏通鑑

東晉穆帝永和八年時支遁字道林壯歲出家業精般若嘗與師共論物類謂鷄卵生用未足為殺師不能屈師尋亡忽現形投卵於地殼破雞行頃之俱滅遁乃感悟由是蔬食終身謝安王羲之王洽劉恢殷浩許詢郝超孫綽桓彥表王敬仁何充等並一代名流皆與結方外交及投迹剡山於沃洲小嶺立寺行

道僧眾稟學時有惰者遁著銘以勗之有曰勤之勤之至道非彌茫茫三界渺渺長羈謹守明禁抗志無為云云晚移石城山立栖光寺木食澗飲浪志無生後出山陰講維摩經許詢為都講難義數反聽者欽服

慧亮有振金聲之稱 釋氏通鑑

南宋明帝景和元年釋慧亮講席有聲頗延歎曰安汰吐珠玉於前斌亮振金聲於後清言妙緒將絕復興至是於莊嚴寺學徒盛集初亮與斌迺為法主

忠僧

忠於君之僧

僧真實死不忘君 宋史

僧真實為五臺山僧正學佛能外死生欽宗靖康之擾與其徒

習武事於山中欽宗召對便殿眷賚隆綰真寶還山益聚兵助討州不守敵衆大至晝夜拒之力不敵幸舍盡焚酋下令生致真寶至則抗詞無撓酋異之不忍殺也使郡守劉駒誘勸百方終不顧且曰吾法中有口回之罪吾既許宋皇帝以死豈當妄言邪怡然受戮北人聞見者嘆異焉

莫謙之興義兵 宋史

莫謙之常州宜興僧也幼主德祐元年糾合義士捍御鄉閭詔為溧陽尉是歲冬没于戰陳贈武功大夫時萬安僧亦起兵舉旗曰降魔又曰時危聊作將事定復為僧旋亦敗死

孝僧

孝父母之僧

目連救母 事文類聚

目連比丘見其亡母生餓鬼中即以鉢盛飯往餉其母食未入口化成火炭遂不得食目連大叫馳還白佛佛言汝母罪重非汝一人力所奈何當須十方衆僧威神之力至七月十五日當為七代父母見在父母厄離中者具百味五果以著盆中供養十方大德佛勅衆僧皆為施主呢願七代父母行禪定意然後受食是時目連母得脫一切餓鬼之苦目連白佛未來世佛弟子行孝順者亦應奉盂蘭盆為爾可否佛言大善故後代人因此廣為葉飾乃至刻木割竹飴蠟剪綵模花果之形極工巧之妙

十有年則善在耶奉孟蘭盆節爾有否物言大善姑蘇人因
 受命是日對母拜一其婦以之善自製白粥未來其婦
 下其入夢相傳眾皆曰然處主其願子為父母行善家意然
 處子為父身自其父身中其具百果以善盆中粥養
 或一人衣飯奈何當其下衣來曾演轉之衣至八月十五日當
 口外火災甚不計會日數天和想還白粥言其母罪重非
 自重如立見其子母之願眾中明以發其願其母身未入

111X
4
30